

蒙藏回史略讲义

蒙藏回史略

笠澤吳燕紹纂

總論

谷量出入之指野
言言穀類之不可
兼以谷之量之而已

將欲譏評今古經緯治亂非研究史學不可蒙藏回史尤近世治邊政之秘鑰也不佞嘗出哈卜察勒渡喀喇沐達訪主兒只之上京弔蒙兀爾之遺跡則見平原輻輳牛馬谷量依然逐水草而居之故俗也重譯而誦婆羅經咒合掌而拜牛頭旃檀則見兜頭披文繡之衣捨身作佈施之品依然事天神信佛法之故俗也又與西域人晉接則聞織毳褐而禦雪瞻駝鼻而知風引渠水而溉田削木筆而紀事繩髮皮服相屯聚於宕昌棧谷梯山通商賈於大食其民羣進化固較優勝矣而試比諸大秦扶桑之國則又儼乎遠矣蓋嘗聞之世界進化之階級莫不始於圖騰繼以宗法而成於國家方其爲圖騰也其民漁獵至於宗法其民耕稼而二者之間其相嬗而轉變者以游牧爲最後由宗法而進於國家而二者之間其相受而蛻化者以封建爲最久方其封建民業猶耕稼也獨至國家而後兵農工商四民備具其羣相生相養之事乃極盛而大和強立

種經卷復求婚於唐太宗之文成公主。公主以平日供奉之釋迦牟尼佛及元秘術算各經如意十三史化導彼俗。由是建立廟宇。繙譯經咒。屏去十惡罪致。將十善福事宜布於政會。於是愚蒙之士。伯特地方。服其教者如仰旭日矣。此其改教混合。人人者深。故數千百年以來。大招小招之攢招。熬茶。歷久不懈。內外蒙及四衛喇特各部。落信仰其象教者。繩行沙度。膜拜入藏。不絕於道。其神權之廣大有如此者。謨罕默德親承真誥。獨立新教。其妻女與其婿阿里。其友阿部倍亮耳。皆篤信之。鄰近聞其議論。亦多從者。而族衆以爲狂謀。加害幸其叔及其族長。救護之得免。偕徒黨渡紅海。徙居西岸。以避禍。未幾倭馬亞族人曰倭馬爾來從教。謨罕默德遂與阿部倍亮耳。倭馬爾爲新教首領。屢夢登天。寤則以上帝所謂告門徒書之。是爲可蘭經。是時族長阿布拉哈貝與之不協。乃自麥喀避難往牙脫里。是爲天方教紀歷之始年。爲黑雖拉大節日。遠近歸附。黨與日盛。憤族人之仇。攻敗之。殺其仇人。戰時不親臨陣。惟在寶祈禱。戰既勝。羣謂祈禱以天祐。既而阿刺比合境舉宗其教。謨罕默德居麥地拿時。凡他適必命一人代

司教事名曰哈里發。謨罕默德病卒，公議立阿部倍亮耳爲哈里發出二軍。一至西里亞，一至波斯。卒於報達之地。臨沒定以倭馬爾嗣位。倭馬耳能兵，憑倚武力，數敗波斯。以東至於印度、西侵西里亞及阿非利喀之北岸，亦講求文治，建巴索拉、苦_ワ等城，造禮拜堂、設書院，以黑拉蛋節爲元旦，嗣爲人所害。謨罕默德之婿奧自蠻阿里相繼嗣位。阿里則傳位於長子哈山。此天方教由宗法而進於國家之權輿也。其教徒卽於是時東來中土。迄今土耳其、斯單等祖國，姑不具論，其傳教於亞洲，不僅散播於二十二行省，卽北至阿爾泰山，一帶南至南洋羣島，五印度地域亦多其支派。其教主之權力有如此者。夫如是，牢籠愚蠢，齊一心志，開疆拓土，增歷史之光榮，然而猶有弊，其弊維何？名曰教辟，所奉者揚之升天堂，所闢者抑之入地獄，攻取擊排，雜以憤好，洵爲人羣進化之梗。不觀夫大食之華效卑乎？見一印度肥人，嚙_マ啗曰美哉，幹乎？是阿鼻之薪材也。夫彼以回而所以稱不回者如此，則其所持爲宗教，以明天人之際者，又可知己。英人有巴爾古黎者，曾游大食，而紀其所見者曰：一日某遇一華效卑，名闕伯刺的弗者。

宣統二年歲次庚申
四月二十七日
禮拜日
禮拜日

宣教於利退德之衆。述穆護在日。曾言其教於未來世。當分七十三支。其七十二皆以
待地獄之孽火。其永享天國幸福者。獨一支耳。於是衆徒頂禮涕泣。問天使此曹何脩
而得獨享極樂。如是穆護答言。惟一生言行與我合者。乃有是耳。演說至此。謝伯刺的
弗乃作色易言告大衆曰。我曹利退德民。荷阿刺深慈正成此果。不佞之引此也。所以
見宗教爲物。入人者深。則其所以視外道者。莫不曰地獄之設。正坐此輩。可見教辟既
深。則所以覲羣者。必一切易位而失實。試更徵之。元史成吉思汗者。崇奉宗喀巴教之
人也。方其攻入布哈爾也。城中伊瑪姆（教士之稱）既出降矣。乃入城駐馬教堂。諭馬
飢速飼馬。取經箱爲馬槽。令教士守馬。又以酒囊置堂中。傳集謳者歌舞。蒙兀人亦歌
呼爲樂。逾時後出城。登教士講臺。傳集民庶。告以蘇爾灘背理獲罪之事。爾等須知爾
皆得罪於天。爾主爲尤重。天生我爲執鞭之牧人。用以箠撻羣類。非汝等得罪上帝。天
何生我。令譯者述其語。俾衆周知其蹂躪異教。幾不以人類相待。近世紀中以宗教而
致革命者。尤書不勝書。故吾謂教辟爲禍之烈。非徒爲人羣進化之梗也。今試陟葱嶺

而左右顧獨脊嶺之鐵道既足。鹽前後藏之腦。帕米爾之高原實拊我天山南北路之背。重以俄人疊次劃界利誇勢禁。我喀爾喀四部落之命脉。早在他人掌握中。而若輩猶渾渾噩噩。狂以狻猊熟視而無覩。充耳而罔聞。安知非受宗教之束縛。而不能輸入文明歟。夫蒙藏回之先烈。何嘗不憤發有爲。創歷史上震古鑠今之事業哉。蒙古之豪傑。首推成吉思汗父子。當是時也。以十三翼之衆。發憤爲雄衣人。以己衣乘人。以己馬能束其衆而善用之。故能走乃蠻破汪罕。征合罕服畏兀兒。平定乞剌主兒。只破古出魯克於巴達克山。降鄭忒。攻白訥克。特襲賽兒奴克。城陷撒馬爾干。取烏爾韃赤城。平奇卜察克。駐師於鹹海裏海之間。敗南俄。北俄虜其名。王無算。誠所謂自東至西。上天皆以付我也。至今歐洲人溯其武功之赫濯。猶有談虎色變之情。即其規劃各軍。全國皆兵。與二十世紀軍國社會之制度。何多讓也。然而不及百年。骨肉相殘。子孫仍遁於沙漠。其分藩於西北者。宗教既消滅。於同花積弱。亦降等爲奴隸。宗法既失。而退守其游牧之風俗。此蒙族江河日下之現象也。贊普棄宗弄潛之盛也。勇略蓋世四鄰服

勝兵數十萬擊吐各渾吐谷洋不能支遁於青海之北民畜多爲所掠進破黨項白蘭諸羌帥衆二十萬屯於松州西境其土宇之廣大北至於闐西至拉達克南越雪山而及印度之孟加_拉灣時孟加拉灣亦名西藏其聲威遠播概可想見迨與唐媾和結婚文化西漸於是聖經普濟所有生靈更廣建金剛廟宇驅遣世界中神道羅刹八部精靈鬼怪無異奴隸贊普等國亦一世之雄也而千百餘年迄無進步仍墨守其秘密國之政策一困於顧實汗再困於準噶爾三困於廓爾喀乃至西金條約訂城下之盟國力竟一落千矣卽其番俗僧衆依然人家同居污穢不堪爲世詬病此西藏退化退步之實情也養者倭馬亞朝遷都於丹馬斯克由西里亞出地中海侵掠日斯巴尼亞海濱地阿刺比西里亞埃及波斯人奉令惟謹有兵船千七百艘據地中海各島敗東羅馬永固困康斯灘丁諾白爾都城者七年東取昔義斯單喀不爾西取梅體育克昔利齊繼又侵突爾基斯單下撒馬爾干威利特嗣位東收阿母河錫爾河及裏海各部落併四印度之信地西收阿非利加北境幅賴之廣已泱泱乎大邦矣迨阿里後裔

遷都報達興學施治頌聲載道鄰近之國亦聞風傾慕宜國人頌之曰哈而阿阿
釋也奈何一子分爭鼎足而峙大將纂奪干戈日尋泊乎蒙古既平西域哈里發東方
屬國益食無餘木司塔率既無才復魁柄下移謨牙代丁怨同類之被殘遂輸誠而外
向哀倍克狎前鋒之得利終覆衆而逃歸卒至納降見其裏罷置衢路驅戰騎躡蹙而
斃亦可哀已夫自謨罕默德親立新教從者風靡招徠之窮濟以威力闢地萬里驅策
諸侯王類首摺伏莫敢異趨雖其後嗣衰徒擁虛號然有國者非受其册封即無以
自立於臣民之上册封之禮哈里發遣使錫以纏首巾一方約指一枚刀一柄騾一騎
其轡具備飾以環寶使者至國官僚郊迎國主迎於國門之內以口噉使者手背如卑
幼見尊長使者宣命首以衛其教爲島國主聽受惟謹蓋歷六百餘載而哈里發之
位始絕亦可謂悠久矣綜觀此二三豪傑皆有併吞八荒亭毒萬有之概使其後嗣子
孫均能席祖業迪前光繼長增光造詣何可限量乃席豐履厚驕奢淫逸非兄弟之殘
賊卽上下之交爭本實撥而大風推之內自侮而外患乘之哀彼蚩氓罹鋒鏑充機械

流血成河積尸爲阜國力旣弱終以不競其亡也忽焉甚矣進化之不可一蹴而幾也竊願治邊政者鑒得失之林考盛衰之故勿以旦暮之更張謂可以起衰而以與勝我抗也又勿搪撞號呼欲率一世之人與盲進以爲破壞之事也邊氛日亟後患方長毋汲汲於近功乃漸趨於正軌讀書明理以潛其性正德利用以厚其生雖在邊荒立地成佛謹纂迂論敢告象胥是爲叙

凡例

一吐蕃本黨項之遺裔黨項實鮮卑之則部鮮卑室韋同出東胡蒙兀室韋本鮮卑之同種溯厥本源吐蕃蒙兀實爲同類故仿管晏合傳之例合叙蒙藏先藏後蒙以時爲叙

一天方之教來自西土與象教別一支派故特叙回史先述報達源流以明統系次述新舊沿革以資應用

一帖木真時代崇奉佛教帝師之權力亞於帝王其後子孫均篤信不衰至今內外蒙部落喇嘛頗有干涉政治沙畢且自守封地叙蒙藏混合

一拙赤昆季分封西北濡染大食之風篤守天方之教叙蒙回混合

一顧實勃起竊攘達教權準格爾詭計致令達賴移錫甯強權迭朴佛法無靈叙蒙藏代興

一元征西域蹂躪教規清平和卓遂隸板圖其部民雖各守宗教而政權已暗相

轉移叙蒙回戰略

一郭秀註莊世剽竊薛收修史均詳藍本故採用各書均特標明

一重譯名物以華文代言未免詰屈牙然一名合數字成文各有意義不可增損故於人名地名特加符號

一神權時代動多怪誕閱者自能辨別惟追錄古昔不能不探咫聞以存真則諾舉神怪難免貽譏履武誕生早詳葩種故瑣聞逸事間亦採擇

不佞學術淺陋既不足以啓迪學者又不合於講義體裁惟才愧三長竊取題而不作之義間有蓋測別標論斷聊以教學相長云爾

蒙藏回史略

第一編叙藏史

第一章西藏發祥時代

維時巴特沙拉國之烏第稚納汗生一子其髮圓旋牙如白螺手足如鵝掌目如烏雀下睫上附諸妙相全備令善占之必喇滿占之曰此子尅父應殺之其父勅官屬往殺之加諸鋒刃利器皆不能傷於是計窮貯以銅匣棄擲恒河中有附近外沙里城之種地老人適在江岸種地見江面有漂浮之匣撈取開看見一端正小兒此老人因無子嗣欲養之遂藏置樹樅間羣鳥銜鮮果衆獸銜淨肉以哺之後能言因問我係何人爲誰之子老人悉以前事告知之遂懷慚尋向東邊雪山而去至拉里姜托山由拉里囉勒博山之九級福階降下至雅爾隆贊所有之四戶塔前衆方看見爭問爾家何處何人之子是何姓名竟不答言但順手以食指指天衆見其相異常人咸歎云爾殆天之子乎乃答曰我是天子乃古昔瑪哈薩瑪迪蘭咱汗之後裔「瑪哈薩瑪迪蘭咱汗天

竺語爲衆所推留之汗額訥特珂克肇造之主」遂將其從前事跡盡告衆知衆皆謂前此浮江不死縱又得衆鳥獸爭哺是真天子也遂縛木椅橈以爲肩輿令坐其上昇上純雲之善布山巔衆皆歡忭首以爲汗歲次戊申卽汗位遂稱爲尼雅持贊博汗由此勝四方各部落而爲八十八萬土伯特國主

紹按太古社會篤古佈新其交於鬼神尤謹如歷初生民一篇與此意旨相同蓋非此不足以表異於恆常也

尼雅持贊博之纒繩

尼雅持贊博汗之子曰穆持贊博汗穆持贊博汗告定持贊博汗定持贊博汗生索持贊博汗索持贊博汗生墨爾持贊博汗墨爾持贊博汗生達克持贊博汗達克持贊博汗生色哩持贊博汗此七汗臨終時自足至頂出現五采露光如虹霓上徹天際其尸曾供於天神等地色哩持贊博汗之子曰智固木贊博汗爲姦臣隆納木篡弑其三子皆出亡長子置持逃往寧博地方次子博囉咱逃往包地方第三子布爾特齊諾逃往

恭布地方。隆納木攬汁位甫一載。有舊日數大臣將福晉移往他邦。設計與復。遂將叛逆之隆納木誅戮。於汗之三子中。議所立。福晉云。我從前生博囉哈時。夜夢與白色人同寢。迨後產一卵。此子出卵中。觀此當是一有福佳兒。宜將彼迎至。於是迎博囉哈。卽汁位。稱爲布迪恭嘉勒汁。其子曰哈勒哈凌。哈勒哈凌生庫哈木凌。庫哈木凌生伊實勒瑪凌。稱爲六賢汗。自六汗旣葬後。始立墳墓。實勒瑪凌之子曰德哈爾木松。德哈爾木松生迪斯巴勒。迪斯巴勒生迪婁雅。迪婁雅生薩喇特納穆。薩喇特納穆生蘇幹蘇幹生薩琳嘉勒燦。薩琳嘉勒燦生洞哩洞翦。此數汗爲衍慶七汗。洞哩洞翦之子曰都克迪都克燦。生持托克哲贊。持托克哲贊生拉托哩年贊。拉托哩年贊生於戊申年。卽位於丁卯年。時年甫二十歲。一日正坐溫博拉岡宮中。見有百拜懺悔經。高尺許。金塔六字全備之寶匣。薩瑪多克經。自空中齊落宮中金幔上。因諸人不識。遂埋於地下。由此汗福分消滅。國中生產多目眇者。糧食歉收。饑饉災病不絕。禍患叢生。如是越四十年後。忽有五士人來見汗。歎曰。大汗從前緣何將天上所降之物掩埋。言訖卽不見。汗

即委內官等出其四種寶物繫於纛頂敬謹膜拜多方供獻汗之福祉由此漸增生子俊秀米穀豐稔無有災病安享太平矣。

始制文字

越四代曰納木哩蘇隆贊福音曰必哩瑪托特噶爾歲次丁丑生一妙相具足端嚴之子頂紋具阿彌陀佛相命名曰哩勒丹蘇隆贊以其頂紋所具阿彌陀佛「與尼雅持贊博汗相同」因愛護之用紅帛包裹不令人見「此即紅教之權輿」至十三歲歲次己丑卽汗位招服絕域衆汗等年十六歲歲次壬辰遣通密阿努之大臣通密織布喇並約其友十六人至額訥特阿克國中參究於是隨彼處之班迪達名德幹必特雅星哈者傳音韻之學復以所學之音韻證土伯特之三十字母合入四聲於原三十四字內刪去十一字以其餘二十三字與土伯特始創之六字並原阿字定爲三十字母各分音韻又編成八大經於是汗甚喜悅參究四年將禪經百拜懺悔經三寶雲經俱繙譯成文從此修明政治謂其地本係土伯特應以經教引導兼定刑法殺人者受諸

刑復行抵命偷竊者斷手虛僞者割舌屏去十惡罪欸奉行十善福事於是都內競相稱頌噶噉斡汗蘇隆贊堪布之名揚於十方由是汗思一佛像即於意中變化一佛名曰噶爾瑪達迪僧人與汗相相肖頂上亦有阿彌陀佛汗降旨與伊云昔者拘留孫佛之時有大悲十一面觀世音菩薩自色究竟天下降化入額訥特珂克國星哈海邊界所埋之一蛇心旃檀樹根內於拘那含佛時發芽於迦葉佛時長成樹至釋迦牟尼佛時花盛開果實成結自佛涅槃時又復倒枯爲塵土所蒙今欲取出請此十一面觀世菩薩至彼星哈拉海邊彼處有臥象一羣中有一紅鼻大象伏臥耳墜一牛黃纏名曰阿蘭札斡爾達象驅令走避將所臥地掘開蛇心旃檀樹即在彼處付囑已此所化之僧藉神通力須臾到彼見有羣象伏臥遂將象驅走象不肯遠去屹立等將削旃檀樹枝忽聞有聲似令稍緩於是自然化成之十一面觀世音菩薩即時顯聖復於迦葉佛持受之花輪塔內獲三佛舍利子甚多其阿蘭札斡爾達象作人語向化身云爾汗昔日曾求福於我今既遺忘又復向我顯然奪取我後世必轉一大力汗壞其教

律遂設惡愿等語〔爲下文朗達爾瑪汁張本〕於是奉菩薩像至進於汗並以大象之言具奏汗降旨云吾前爲額納特克國蘇喀巴喇公主子時造成沙隆喀碩爾塔求福原有一負土行走之牛因遺忘未曾設愿其牛甚怒遂氣憤設立惡愿我於是亦另設誓愿矣迨至今世其象以與大悲觀世音菩薩之上則妬心俱滅自易化故但欲化服此象仍須朕躬是時汗意中方以普濟雪山所有生靈必須聖經爲憂彼自然化生佛自兩目中射出霞光二道汗視之見一道光照射巴勒布國之巴喇木巴斡爾瑪汁之公主公主係甲申所生年十六歲面色潔白端雅美麗體淨無瑕口吐優鉢羅香氣是莊嚴富麗之主也復見露光一道照射中國唐太宗文成公主亦甲申年所生年十六歲面貌慧秀端雅美麗體淨無瑕口吐哈里旃檀香氣是通明經卷之主也於是汗欲求婚先遣大臣通密織布喇噶爾丹巴二人往巴勒布國求公主爲配訓以多方剛柔互用之策巴勒布汗卽允所請公主乃白衣救度佛母之化身公主之來也以迦葉佛持受之不動金剛彌勒法輪及牛頭旃檀自然化成之白衣救度佛等三尊佛像及巴勒

各種純卷並齊至土伯特地方歲次己亥汗年二十三歲與巴勒布公主完婚以上見蒙古源流

勞力東漸

昔賢既撫有羣羗臣服西域諸國於唐太宗貞觀八年始通中國遣使來朝唐帝遣使
表求婚市不許使者還妄語曰臣初至唐唐待我甚厚許尚公主會吐谷渾王入朝相
離間唐禮遂衰亦不許昏弄譖遂發兵擊吐谷渾吐谷渾不能支走青海之陰盡取其
貨畜又噶黨項白內蘭羌破之時黨項等族已內附勒兵二十萬屯松州西境遣使貢
金帛且云迎公主曰公主不至我且深入尋進攻松州敗都督韓威羌酉關州刺史別
叢臥施諾州刺史把利步利並以州叛歸之乃詔吏部尚書侯君集爲行軍大總管出
當彌道右領軍大將軍執失思力出白蘭道右武衛大將軍牛進達出關水道右領軍
將軍劉蘭出洮河道並爲行軍總管率步騎五萬擊之進達爲先鋒夜襲其營斬首千

毅初東寇也連歲不解其大臣請返國不聽而自縊者八人至是始懼引兵而退遣使謝罪固請許之十四年遣大論祿東贊獻金五千兩及珍玩數百以爲聘妻以宗女文成公主詔江夏王道宗持節護送築館河西弄贊率兵次柏海親迎執帟禮甚恭見中國服飾之美縮縮媿沮歸國自以其先未有昏帝女者乃爲公主築一城以夸後世見唐書

布達拉之始建

曲結〔通經典之謂〕松贊噶木布（卽弄贊贊普）好善信佛頭頂納瓦塔葉佛在拉撒地方山上誦旺固爾經取名布達拉爲衆僧俗所瞻仰每日焚香坐禪入定不想他往唐公主同勒布王之女名稱木薩丹因汗坐靜恐有外侮遂修布達拉官寨城垣上掛刀鎗以嚴防禦其上汗寢室與拜干薩寢室隔絕頂皆平坦搭銀橋一道以通往來唐公主帶來釋牟尼佛拜木薩帶來墨居多爾濟佛拜木欲修廟宇汗擇地興修唐公卜算藏地形勢乃妖女仰面之象拉撒海子乃妖女心血是爲海眼須將海眼填塞上修廟

宇如蓮花形將四圍風脉更正如八寶聯絡乃得吉祥汁遂興工將海子四面用不堆砌海眼中忽起五色震怒現出石塔三層用石拋擊然後用木接蓋空際處鎔銅淋滿海眼海始平汗又虔祝神佛欲將邪氣鎮壓在昌諸窟囉倫塔堆陽四地方接連地脉之處建寺一百八座（見衛藏通志）

連和中土

弄贊既昏於唐遣諸豪子弟入國學習詩書又請儒者典書疏聞唐帝伐遼還使祿東贊上書曰天子自將度遼躋城陷陣指日凱旋雖雁飛於天無是之速夫鵝猶雁也謹治黃金爲鵝以獻高七尺中寔酒三斛

唐貞觀二十二年助唐破中天竺初中天竺王尸羅逸多兵最強四天竺皆臣之「南天竺瀕海北天竺距雪山東天竺際海與扶南林邑接西天竺與罽賓波斯接中天竺在四天竺之會」唐命右衛率長史王玄策奉使至天竺諸國皆遣使入貢會尸羅逸多卒國中大亂其臣阿羅那順自立發兵攻玄策玄策帥從者三十人與戰力不敵悉

爲所擒阿羅那順盡掠諸國貢物玄策脫身宵遁抵吐蕃西境以書徵鄰國兵吐蕃遣精銳千二百人泥婆羅國遣七千餘騎赴之（泥婆羅國直吐蕃之西樂陵川臣於吐蕃（玄策與其副將師仁帥二國之兵進至中天竺所居茶罽和羅城（中印度都城濱伽毗黎河）連戰三日大破之斬首三千餘級赴水溺死者且萬人阿羅那順棄城走更收餘衆還與師仁戰又破之擒阿羅那順餘衆奉其妃及王子阻乾陀衛江（恒河）師仁進擊之衆潰獲其妃及王子虜男女萬二千人於是天竺響震城邑聚落降者五百八十餘所俘阿羅那順以歸

唐太宗既崩贊普致書于長孫無忌等云天子初卽位臣下有不忠者當勒兵赴國討除之（按唐以吐蕃贊普弄贊爲駙馬都尉封西海郡王畏太宗英明故終貞觀之世無兵禍追聞晏駕有輕中國之心矣

唐永徽元年五月壬戌吐蕃贊普弄讚卒其嫡子早死立其孫爲贊普幼弱不事政事皆決於國相祿東贊祿東贊性明達嚴重行兵有法吐蕃所以彊大威服氐羗皆其謀

吞吐谷渾與唐失和

永徽元年八月吐蕃祿東贊遣其子起政將兵擊吐谷渾以吐谷渾內附故也

龍翔三年五月吐蕃與吐谷渾互相攻各遣使上表論曲直更來求援皆不許吐谷渾之臣素和貴有罪逃奔吐蕃具言吐谷渾虛實吐蕃發兵擊吐谷渾大破之吐谷渾可汗諾曷鉢與弘化公主帥數千帳棄國走依涼州請徙居內地（唐會要曰吐谷渾自永嘉之末始西度洮水建國於羣羌之故地龍翔三年爲吐蕃所滅凡三百五十年）

唐帝以涼州都督鄭仁泰爲青海道行軍大總管帥右武衛將軍獨孤卿雲辛文陵分屯涼鄯二州以備吐蕃（涼鄯相去五百八十里）六月戊申又以左武衛大將軍蘇定方爲安集大使節度諸軍爲吐谷渾之援吐蕃祿東贊屯青海遣使者論仲琮入見（吐蕃立國之初有大論小論以統國事後因以爲貴姓）表陳吐谷蕃之罪且請和親上不許遣左衛中郎將劉文祥使于吐蕃降璽書責讓之

麟德二年春正月丁卯吐蕃遣使入見請復與吐谷渾和親仍求赤水地畜牧（卽河源之赤水也本吐谷渾地）上不許

咸亨三年二月庚午徙吐谷渾於鄯州浩疊水南（漢書地理浩疊水東至允吾入湟允吾唐爲鄯州龍支縣水經注疊河出允吾西北塞外東逕浩疊縣故城南又東流注于湟水俗呼爲閩門河）吐谷渾畏吐蕃之彊不安其居又鄯州地狹尋徙靈州以其部落置安樂州以可汗諾曷鉢爲刺史吐谷渾故地皆入於吐蕃吐蕃遣其大臣仲琮入貢上問以吐蕃風俗對曰地薄氣寒風俗朴魯然法令嚴整上下一心議事常自下而起因人所利而行之斯所以能持久也上詰以吞滅吐谷渾敗薛仁貴寇偏涼州事對曰臣受命貢獻而已軍旅之事非所聞也上厚賜而遣之癸未遣都水使者黃仁素使于吐蕃

上元二年正月辛未吐蕃遣其大臣論吐蕃彌來請和且請與吐谷渾復修鄰好上不

許

儀鳳元年閏月吐蕃寇鄜河芳等州〔舊爲吐谷渾所據周逐諸羌始有其地改建郡縣〕敕左監門衛中郎將令狐智通發興鳳等州兵以禦之以洛州牧周王顯爲洪州道行軍元帥將工部尙書劉審禮等十二總管并州大都督相王輪爲涼州道行軍元帥將左衛大將軍契苾何力等以討吐蕃八月吐蕃寇疊州二年五月吐蕃寇扶州之臨河鎮擒鎮將杜孝昇令齋書說松州都督武居寂使降孝昇因執不從吐蕃軍還捨孝昇後帥餘衆拒守詔以孝昇爲游擊將軍命劉仁軌領洮河軍〔鄜州城內有臨洮軍〕十二月詔大發兵討吐蕃三年正月以李敬玄代李敬玄爲洮河道大總管兼安撫大使仍檢校鄜州都督又命益州大都督府長史學孝逸等發劍南山南兵以赴之七月李敬玄奏破吐蕃於龍支〔龍支縣屬鄜州〕丙寅李敬玄將兵十八萬與吐蕃將論欽陵戰於青海之上兵敗工部尙書右衛大將軍彭城僖公劉審禮爲吐蕃所虜時審禮將前軍深入頓於濠所爲虜所攻敬玄懼怯按兵不救聞審禮戰沒狼狽還走頓於承風嶺〔承風嶺在鄜州廣威縣西南東北去鄜州三百十三里故吐谷渾

界阻泥濘以自固虜屯兵高岡以壓之左領軍員外將軍黑齒常之夜帥敢死之士五百人襲擊虜營虜衆潰亂其將跋地設引兵遁去敬玄乃收餘衆還州審禮諸子自縛詣闕請入吐蕃贖其父敕聽次子易從詣吐蕃省之比至審禮已病卒易從晝夜號哭不絕聲吐蕃哀之還其尸易從徒跣負之歸上嘉黑齒常之功擢拜左武衛將軍充河源軍副使李敬玄之西征也監察御史原武婁師德應猛士詔從軍及敗救師德收集散亡軍乃復振因命使於吐蕃吐蕃將論贊婆迎之赤嶺〔石堡城西三十里有山土石皆赤北接大山南連小雪山號曰赤嶺去長安二千五百里自鄯州辯城縣西行二百里至赤嶺〕師德宣導上意諭以禍福贊婆甚悅爲之數年不犯邊師德遷殿中侍御史充河源軍司馬兼知營田事上以吐蕃爲憂悉召侍臣謀之或欲和親以息民或欲嚴設守備俟公私富實而討之或欲亟發兵擊之議竟不決賜食而遣之太學生宋城魏元忠上封事言禦吐蕃之策以爲理國之要在文與武今言文者則以辭華爲首而不及經綸言武者則以騎射爲先而不及方略是皆何益於理亂哉故陸機著

辯之論無救河橋之敗養由基射穿七札不濟郢陵之師此已然之明效也古語有之人無常俗政有理亂兵無彊弱將有巧拙故選將當以智略爲本勇力爲末今朝廷用人類取將門子弟及死事之家彼皆庸人豈足當國外之任李左車陳湯呂蒙孟觀皆出貧賤而立殊功未聞其家代爲將也夫賞罰者軍國之切務苟有功不賞有罪不誅雖堯舜不能以政理議者皆云近日征伐虛有賞格而無事實蓋由小才之吏不知大體徒惜動庸恐虛倉庫不知士不用命所損幾何黔首雖微不可欺罔豈得懸不信之令設虛賞之科而望其立功乎自蘇定方征遼東李勣破平壤賞絕不行勳仍淹滯不聞斬一臺郎戮一令史以謝勳人大非川之敗薛仁貴郭待封等不即重誅曷使早誅仁貴等則自餘諸將豈敢失利於後哉臣恐吐蕃之平非旦夕可冀也又出師之要全資馬力臣請開畜馬之禁使百姓皆得畜馬若官軍大舉委州縣長吏以官錢增價市之則皆爲官有彼胡虜恃馬力以爲彊若聽人間市而畜之乃是損彼之彊爲中國之利也先是禁百姓畜馬故元忠言之上善其言召見令直中書省仗內供奉

調露二年壬戌吐蕃贊普卒子器弩悉弄立生八年矣時器弩悉弄與其舅麴薩若詣羊同發兵羊同西戎國名宋祁載劉元鼎之言黃河上流由洪濟橋西南行二千里水益狹春可涉秋夏乃勝舟其南三百三山中高而四下曰紫山直大羊同國古所謂崑崙也虜曰悶摩黎山東距長安五千里河源出其間有弟生六年在論欽陵軍中國人畏欽陵之強欲立之欽陵不可與薩若共立器弩悉弄上聞贊普卒命裴行儉乘間圖之行儉曰欽陵爲政大臣輯睦未可圖也乃止

十月文成公主遣其大臣論塞榜來告喪並求和親請尙太平公主乃爲太平觀以公主爲觀主以拒之上遣郎將宋令文詣吐蕃會贊普之葬越明年十月丙午文成公主薨於吐蕃

永隆元年七月吐蕃寇河源左武衛將軍黑齒常之擊卻之擢常之爲河源軍經略大使常之以河源衝要欲加兵戍之而轉輸險遠乃廣置烽戍七十餘所開屯田五千餘頃歲收五百餘萬石由是戰守有備焉先是劍南募兵於茂州西南築安戎城以斷吐

蕃通蠻之路吐蕃以生羗爲鄉導攻陷其城以兵據之由是西洱諸蠻皆降於吐蕃吐蕃盡據羊同黨項及諸羗之地東接涼松茂嶺等州南鄰天竺西陷龜茲疏勒等四鎮北抵突厥地方萬餘里漢魏諸戎莫與爲比

爭西突厥

初肥道總管蘇海政受詔討龜茲。敕興昔亡繼往絕。二可汗發兵與之俱。至興昔亡之境。繼往絕素與興昔亡有怨。密謂海政曰。彌射謀及請誅之。（右衛大將軍阿史那彌射及族兄左屯衛大將軍步真皆西突厥酋長。彌射世爲莫賀咄葉護。貞觀中遣使立爲可汗。族兄步真謀殺彌射而自立。彌射不能國。卽入朝。步真遂自立爲咄陸葉護。衆不厭去之。因亦與族人入朝。迨平西突厥。沙維鉢可汗分西突厥地。置濛池崑陵二都護府。以阿史那彌射爲左衛大將軍。崑陵都護。興昔亡可汗押五咄陸部落。阿史那步真爲右衛大將軍。濛池都護。繼往絕可汗押五弩失畢部落。濛池居碎葉川西。崑陵居碎葉川東。）時海政兵纔數千。集軍吏謀曰。彌射若反。我輩無噍類。不如先事誅之。乃矯

稱敕令大總管齋帛數萬段。賜可汗及諸酋長。興昔亡帥其徒受賜。海政悉收斬之。其鼠尼施拔塞幹兩部亡走。鼠尼施噉咄陸五部之一。拔境幹俟斤弩失畢五部之一。海政與繼往絕。追討平之。軍還至疏勒南弓月部。引吐蕃之衆來。欲與唐兵戰。海政以師老不敢戰。以軍賫賂吐蕃。約和而還。由是諸部落皆以興昔亡爲冤。各有離心。繼往絕尋卒。十姓無主。有阿史那都支及李遮旬收其餘衆。附於吐蕃。尋寇庭州。麟德二年。疏勒弓月引吐蕃侵于闐。敕西州都督崔知辯左武衛將軍曹繼叔將兵救之。咸亨元年四月吐蕃陷西域十八州。又與于闐襲龜茲。撥換城陷之。罷龜茲于闐焉耆疎勒四鎮辛亥。以右衛大將軍薛仁貴爲邏娑道行軍大總管。邏娑川吐蕃贊普牙在焉有邏些城。左衛員外大將軍阿史那道真左衛將軍郭待封副之。以討吐蕃。且援送吐谷渾還故地。郭待封先與薛仁貴並列。及征吐蕃。恥居其下。仁貴所言待封多違之。軍至大非川。自崑崙州城城縣西行二百餘里至大非川。將趣烏海。仁貴曰。烏海陰遠。軍行甚難。輜重自隨。難以趨利。宜留二萬人爲兩棚於大非嶺上。輜重悉置棚內。吾屬帥

吐蕃
唐
永淳元年

輕銳倍道兼行掩其未備破之必矣仁貴帥所部前行擊吐蕃於河口大破之斬獲甚衆進屯烏海以俟待封待封不用仁貴策將輜重徐進未至烏海遇吐蕃二十餘萬待封軍大敗還走悉棄輜重仁貴退屯大非川吐蕃相論欽陵將兵四十餘萬就擊之唐兵大敗死傷略盡仁貴待封與阿史那道真並脫身免與欽陵約和面還敕大司憲樂彥璋卽單按其敗狀破送京師三人皆免死除名欽陵祿東贊之子也與弟贊婆悉多于勃論皆有才略祿東贊卒欽陵代之三弟將兵居外鄰國畏之

永淳元年吐蕃將論欽陵寇柘松翼等州詔左驍衛郎將李孝逸右衛郎將衛蒲山發秦渭等州兵分道禦之河源軍軍使婁師德將兵擊之於白水澗八戰八捷上以師德爲比部員外郎左驍衛郎將河源軍經略副使曰卿有文武材勿辭也

垂拱元年十一月命天官尙書韋待價爲燕然道行軍大總管以討吐蕃

四年武后欲發梁鳳巴蠻自雅州開山通道出擊生羌因襲吐蕃正字陳子昂上書以爲雅州邊羌自國初以來未嘗爲盜今一旦無罪戮之其怨必甚且懼誅滅必蜂起爲

盜西山盜起。西山在成都西松茂二州都督府所統諸州。皆西山羌也。則蜀之邊邑不得連兵備守。兵久不解。臣愚以爲西蜀之禍自此始矣。臣聞吐蕃愛蜀富饒。欲盜之久矣。徒以山川阻絕。障隘不通。勢不能動。今國家乃亂邊羌。開隘道。使其收奔亡之種。爲鄉導以攻邊。是借寇兵爲賊除道。舉全蜀以遺之也。蜀者國家之寶庫。可以兼濟中國。今執事者乃圖饒倖之利。以事西羌。得其地不足以稼穡。財不足以富國。徒爲糜費。無益聖德。况其成敗未可知哉。夫蜀之所恃者險也。人之所以安者無役也。今國家乃開其險。役其人。險開則便寇。人役則傷財。臣恐未見羌戎已有姦盜在其中矣。且蜀人尪劣。不習兵戰。山川阻曠。去中夏遠。今無放生西羌吐蕃之患。臣見其不及百年。尪爲戎矣。國家近廢安北。拔單于。弄龜茲。放疎勒。天下翕然謂之盛德者。蓋以陛下務在養人。不在廣地也。今山東飢。關隴弊。而徇貪夫之議。謀動甲兵。興大役。自古國亡家敗。未嘗不由黷兵。願陛下熟計之。旣而役不果興。

永昌元年。命文昌右相韋待價爲安息道行軍大總管。擊吐蕃。韋待價軍至寅。識迦河。

與吐蕃戰大敗待價既無將領之才狼狽失據士卒凍餒死亡甚衆乃引軍還太后大怒待價除名流羅州斬副大總管安而大都護闕溫古安西副都護唐休埒收其餘衆安撫西土尋以休埒爲西州都督

浪穹州蠻酋傍時昔等二十五部先附吐蕃至是來降以傍時昔爲浪穹州刺史令統其衆南詔六部號爲六詔浪穹詔其一也

長壽元年二月吐蕃黨項部落萬餘人內附分置十州

吐蕃酋長曷蘇帥部落請內附以右玉鈐衛將軍張玄遇爲安撫使將精卒二萬迎之六月軍至大渡水西曷蘇事洩爲國人所擒別部酋長胥捶帥羌蠻八千餘人內附玄遇以其部落置萊川州而還

初新豐王孝傑從劉審禮擊吐蕃爲副總管與審禮皆沒於吐蕃贊普見孝傑泣曰貌類吾父厚禮之後竟得歸累遷右鷹揚衛將軍孝傑久在吐蕃知其虛實會西州都督唐休埒請復取龜茲于闐疎勒碎葉四鎮敕以孝傑爲武威軍總管與武衛大將軍阿

史那忠節將兵擊吐蕃十月丙戌復取四鎮置安西都護府於龜茲發兵戍之

延載二年一月以婁師德爲河源等軍檢校營田大使二月武威道總管王孝傑破吐蕃敦論贊刃突厥可汗倭子等於冷泉及大嶺各三萬餘人碎葉鎮守使韓思忠破泥熟俟斤等萬餘人

天冊萬歲元年七月吐蕃寇臨洮以王孝傑爲肅邊道行軍大總管以討之越明年王孝傑婁師德與吐蕃將論頌陵贊婆戰於素羅汗山（在洮州界唐兵大敗孝傑坐免爲庶人師德貶原州員外司馬

萬歲通天二年吐蕃大論欽陵遣使請和親太后遣前梓州通泉縣尉郭元振往至野狐河與陵遇元振曰東贊事朝廷誓好無窮今猥自絕歲擾邊父通之子絕之孝乎父事之子叛之忠乎陵謝曰天子許和罷兩國戍守以便百姓豈不休哉然以西十姓突厥四鎮諸國或時附蕃或時附漢斯類皆多翻覆乞聖恩拔去鎮守分離屬國多建君長使自爲守既不歎漢又不屬蕃人免憂慮荒陬幸甚元振曰唐以十姓四鎮撫西十

爲列國主道非有他且諸部與吐蕃異久爲唐編人矣欽陵曰使者意我規削諸部爲唐邊患邪我若貪土地生財賦彼青海湟川近矣今捨不爭何哉突厥諸部積漠廣莽去中國遠甚安有爭地萬里外邪且四夷唐皆臣并之雖海外地際靡不磨滅吐蕃邇獨在者徒以兄弟小心得相保耳十姓五咄陸近安西於吐蕃遠俟斤距我裁一積輪士騰突不易旬至是以爲憂也烏海黃河關源阻奧多癘毒唐必不能入則弱甲孱將易以爲蕃患故我欲得之非關諸部也甘涼距積石道二千里其廣不數百狹才百里我若出張掖玉門使大國春不耕秋不穫不五六年可斷其右今棄不爲亦無虞於我矣青海之役黃仁素約和邊守不戒崔知辯徑俟斤掠我半羊馮計是以求之使使者隨元振入請之朝廷疑未決元振上疏以爲欽陵求罷兵割地此乃利害之機誠不可輕議也今若直拒其善意則爲邊患必深四鎮之利遠甘涼之害近不可不深圖也宜以計緩之使其和望未絕則善矣彼四鎮十姓吐蕃之所其欲也而青海吐谷渾亦國家之要地也今若果無東侵之志當歸我吐谷渾諸部及青海故地則五俟斤部亦當

以歸吐蕃如此則足以塞欽陵之口而亦未與之絕也若欽陵小有乖違則曲在彼矣且四鎮十姓欵附日久今未察其情之向背事之利害遙割而棄之恐傷諸國之心非所以御四夷也元振又上言吐蕃百姓疲於徭戍早願和親欽陵利於統兵專制獨不欲歸欵若國家而欽陵常不從命則彼國之人怨欽陵日深望國恩日甚設欲大舉其徒固亦難矣斯亦離間之漸可使其上下猜阻禍亂內興矣太后從之

論欽陵必欲得四鎮及益州通市乃和親朝廷不許制書至河源納言婁師德患之曰制書到彼必入寇奈何監察御史南陽張彥先時按河源積石諸軍謂師德曰但稽制書虜必狐疑吾乃先爲之備慮至必不捷矣師德從之欽陵入寇果無功由是得罪於其國（見御史臺記）

初吐蕃贊普器弩悉弄當幼論欽陵兄弟用事皆有勇略諸胡畏之欽陵居中制事諸弟握兵分據方面贊婆常居東邊爲中國患者垂三十年器弩悉弄浸長欲自得國漸不平陰與大臣論巖圖去之會欽陵方提兵居外贊普詐言出畝即勒兵執其執黨二

千餘人殺之發使者召欽陵贊婆不受命贊普自討未戰欽陵兵潰乃自殺左右殉而死者百餘人贊婆聖歷於二年四月帥所部千餘人來降太后命武衛鎧曹專參軍郭元振與河源軍大使夫蒙令卿將騎迎之以贊婆爲特進歸德王欽陵子弓仁以所統吐谷渾七千帳來降拜左玉鈐衛將軍酒泉郡公

秋七月丙辰吐谷渾部落一千四百帳內附

冬十月丙亥論贊婆上都太后寵待賞賜甚厚以爲右衛大將軍使其衆守洪源谷吐蕃中衰

久視元年閏月丁酉吐蕃將麴莽布支寇涼州圍昌松隴右諸軍大使唐休璟與戰於洪源谷麴莽布支兵甲鮮華休璟謂諸將曰諸論既死麴莽布支新爲將不習軍事望之雖如精銳實易與耳請爲諸君破之乃被甲先陷陳六戰皆捷吐蕃大奔斬首二千五百級獲二裨將而還

長安元年十一月以主客郎中郭元振爲涼州都督隴右諸軍大使先是涼州南北境

不過四百餘里突厥吐蕃頻歲奄至城下百姓苦之元振始於南境硤口置和戎城北境磧中置白亭軍控其衝要拓州境千五百里自是寇不復至城下元振又令甘州刺史李漢通開置屯田盡水陸之利舊涼州粟麥斛至數千及漢通收率（収民而率其耕）之後一緡繙數十斛積軍糧支數十年元振善於撫御在涼州五年夷夏畏慕令行禁止牛羊被野路不拾遺

二年九月己卯吐蕃遣其臣論彌薩來求和癸未宴論彌薩於麟德殿附涼州都督唐休璟入朝亦預宴彌薩屢窺之太后問其故對曰洪源之戰此將軍猛厲無敵故欲識之太后擢休璟爲右武威金吾二衛大將軍休璟練習邊事自碣石以西踰四鎮縣百萬里山川要害皆能記之

州

戊申吐蕃贊普將萬餘人寇茂烟都督陳大慈與之四戰皆破之斬首千餘級明年四月吐蕃遣使獻馬千匹金二千兩以求昏吐蕃南境諸部皆叛贊普器弩悉弄自將擊之卒於軍中諸子爭立久之國人立其子棄隸縮贊爲贊普生七年矣使者來告喪且

求盟又使大臣悉蒸熱入貢固求婚未允會監察御史李知古進討姚州蠻削吐蕃鄉導詔中宗景龍二年十一月庚申突騎施會長婆葛自立爲可汗殺唐使者御史中丞馮嘉賓遣其弟遮努等帥衆犯塞初娑葛代烏質勒統衆父時故將闕啜忠節不服（卽阿史那闕啜忠節阿史那其氏闕部落名啜官名忠節其名）數相攻擊忠節不能支金山道行軍總管郭元振奏追忠節入朝宿衛忠節行至播仙城經略使右威衛將軍周以悌說之曰國家不愛高官顯爵以待君者以君有部落之衆也今脫身入朝一老胡耳豈惟不保寵祿死生亦制於人手方今宰相宗楚客紀處訥用事不若厚賂二公請留不行發安西兵及引吐蕃以擊娑葛求阿史那獻爲可汗以招十姓（獻阿史那彌射之孫元慶之子）使郭虔瓘發拔汗那兵以自助（杜環經行記拔汗那國在但邏斯南千里東隔山去疏勒千餘里西去石國千餘里）既不失部落又得報仇比於入朝豈可同日語哉郭虔瓘者歷城人時爲西邊將忠節然其言遣問使賂楚客處訥請如以悌之策元振聞其謀上疏以爲往歲吐蕃所以犯邊正爲求十姓四鎮之地

不獲故耳比者息兵請和非能慕悅中國之禮義也直以國多內難（謂贊普南征而死國中大亂嫡庶競立將相爭權自相屠滅）人畜疫癘恐中國乘其弊故且屈志求自昵使其國小安豈能忘取十姓四鎮之地哉今忠節不論國家大計直欲爲吐蕃鄉導恐四鎮危機將從此始頃緣默啜悉陵所應者多兼四鎮兵疲弊勢未能爲忠節經略非憐突騎施也忠節不體國家中外之意而更求吐蕃吐蕃得志則忠節在其掌握豈得復事唐也往年吐蕃無恩於中國猶欲十姓四鎮之地今若破娑葛有功請分於闐疎勒不知以何理抑之又其所部諸蠻及婆羅門等方不服若借唐兵助討之亦不知以何詞拒之是以古之智者皆不願受夷狄之惠蓋豫憂其求請無厭終爲後患故也又彼請阿史那獻者豈非以獻爲可汗子孫欲依之以招懷十姓乎按獻父元慶叔父僕_結兄俊子及〔僕羅俊子蓋皆吐蕃所立〕斛瑟羅懷道等皆可汗子孫也往者唐及吐蕃徧曾立之以爲可汗欲以招撫十姓皆不能致尋自破滅何則此屬非有過人之才恩威不足以動衆雖復可汗舊種衆心終不親附况獻又疎遠於其父兄乎若使

忠節兵力自能誘脅十姓則不必求立可汗子孫也又欲令郭虔瓘入拔汗那發其兵虔瓘虔瓘前此已嘗與忠節擅入拔汗那發兵不能得其片甲匹馬而拔汗那不勝侵擾南引吐蕃奉佞子還侵四鎮時拔汗那四旁無彊寇爲援虔瓘等恣爲侵掠如獨行無人之境猶引佞子爲患今此有娑葛急則與之并力內則堵胡堅壁拒守外則突厥伺隙邀遮臣料虔瓘等此行必不能如往年之得志內外受敵自陷危亡徒與虜結隙令四鎮不安以臣愚揣此實爲非計楚客等不從建議遣馮嘉賓持節安撫忠節侍御史呂守素處置四鎮以將軍牛師獎爲安西副都護發甘涼以西兵兼徵吐蕃以討娑葛娑葛遣使娑臘獻馬在京師聞其謀馳報娑葛於是娑葛發五千騎出安西五千騎出撥換五千騎出焉耆五千騎出疎勒入寇元振在疎勒柵於河口不敢出忠節逆嘉賓於計舒河口娑葛遣兵襲之生擒忠節殺嘉賓擒呂守素於僻城縛於驛柱尚而殺之癸未牛師獎與突騎施娑葛戰于火燒城師獎兵敗沒娑葛遂陷安西（安西都護府時在龜茲）斷四鎮路遣使上表求宗楚客頭楚客又奏以周以悌代郭元振統衆

徵元振入朝以阿史那獻爲十姓可汗置軍焉耆以討娑葛娑葛遣元振書稱我與唐初無惡但讎闕啜宗尙書受闕啜金欲枉破奴部落馮中丞牛都護相繼而來奴豈得坐而待死又聞史獻欲來（史獻卽那史那獻約言之）徒援軍州恐未有寧日乞大使商量處置元振奏娑葛書楚客怒奏言元振有異圖召將罪之元振使其子鴻間道具奏其狀乞留定西土不敢歸周以悌竟坐流白州復以元振代以悌赦娑葛罪册爲十四姓可汗（西突厥先有十姓今併咽麪葛邏祿莫賀達干都摩支爲十四姓）三年正月丙申監察御史崔琬對仗彈宗楚客紀處訥潛通戎狄受其貨賂致生邊患故事大臣被彈俯俛趨出立於朝堂待罪至是楚客更憤怒作色自陳忠鯁爲琬所誣上竟不窮問命琬與楚客結爲兄弟以和解之時人謂之和事天子

此段應接在太后從之後

發劍南募士擊之蠻酋以情輸吐蕃殺知古尸以祭天進攻蜀漢詔靈武監軍右臺御史唐九徵爲姚嵩道討擊使率兵擊之吐蕃以鐵麴梁濛濛二水通西洱蠻築城戍之

九徵毀絕夷城建鐵柱於滇池以勒功中宗景龍二年還其婚明年遣使入貢可敦又遣宗俄請婚帝以雍王守禮女爲金城公主妻之賜主錦繒雜伎甚厚吐蕃贊普遣其大首領瑟瑟告身尙贊咄金告身尙欽藏等千餘人來迎金城公主「尙贊咄猶僕射欽藏猶侍中」唐隆元年正月帝命紀處訥送金城公主適吐蕃處訥辭又命趙彥昭亦辭丁丑命左驍衛大將軍楊矩送之己卯帝自送公主至始平公主至吐蕃贊普爲之別築城以居之

開元二年五月己酉吐蕃相²¹⁶盃達延遣宰相書請先遣解琬至河源正二國封疆然後結盟琬嘗爲朔方大總管故吐蕃請之前此琬以金紫光祿大夫致仕後召拜左散騎常侍而遣之又命宰相復盃達延書招懷之琬上言吐蕃必陰懷叛計請預屯兵十萬於秦渭等州以備之六月吐蕃使其宰相尙欽藏來獻盟書八月乙亥吐蕃將盃達延乞力徐帥衆十萬寇臨洮軍蘭州至於渭源掠取牧馬命薛訥白衣攝左羽林將軍爲隴右防禦使以右驍衛將軍常樂郭知運爲運使與太僕少卿王曖帥兵擊之辛己大

募勇士詣河隴就訥教習初鄯州都督楊矩以九曲之地與吐蕃其地肥饒吐蕃就之畜牧因以入寇矩悔懼自殺冬十月吐蕃復寇渭源丙辰上下詔欲親征發兵十餘萬人馬四萬匹甲子薛訥與吐蕃戰於武街大破之時太僕少卿隴右羣牧使王暖帥所部二千人與訥會擊吐蕃至達延將吐蕃兵十萬屯大來谷暖選勇士七百衣胡服夜襲之多置鼓角於其後五里前軍遇敵大呼後人鳴鼓角以應之虜以爲大軍至驚懼自相殺傷死者萬計訥時在武街去大來谷二十里虞軍塞其中間暖復夜出襲之虜大潰始得與訥軍合追奔至洮水復戰於長城堡又敗之前後殺獲數萬人豐安軍使王海賓戰死戊辰姚崇盧懷慎等奏頃者吐蕃以河爲境神龍中尙公主遂踰河築城置獨山九曲兩軍去積不三百里又於河上造橋今吐蕃旣叛宜毀橋拔城從之以王海賓之子忠嗣爲朝散大夫尙輦奉御養之宮中

己酉命左驍衛郎將尉遲環使于吐蕃宣慰金城公主吐蕃遣其大臣宗俄因矛至洮水祭戰死士且請和然恃盛彊求用敵國禮使者至臨洮水詔不內自是連歲犯邊

四年正月吐蕃圍松州松州都督孫仁獻襲擊吐蕃於城下大破之七月吐蕃復請和上許五年四月隴右節度使郭知運大破吐蕃於九曲

六年十一月吐蕃奉表請和乞舅甥親署誓文又令彼此宰相皆署名於其上

七年六月吐蕃復遣使持金城公主書求聽修好且言贊普君臣欲與天子共署誓刻言孝和皇帝嘗賜書豐時唐宰相豆盧欽望魏元忠李嶠紀交訥等凡二十二人及吐蕃君臣同誓孝和皇帝崩太上皇嗣位修睦如舊然唐宰相在誓刻者皆歿今宰相不及前約故須再盟比使論乞力前後七輩往未蒙關許且張元表李知古將兵侵暴甥國故違誓而戰今舅許湔貨前惡歸於大和甥既堅定然不重盟爲未信要待新誓也帝謂昔已和親有成言尋前盟可矣不許復誓禮其使而遣之且厚賜贊普自是歲朝貢不犯邊

十年八月吐蕃圍小勃律其王沒謹忙貽書北庭節度使張孝嵩曰勃律唐之西門失之則西域皆墮吐蕃矣嵩乃遣疏勒副使張里體將蕃漢步騎四千救之晝夜倍道與

沒謹忙兵合擊吐蕃敗之復九城故道勃律王來朝置綬遠軍以扞吐欲假道勃律以

攻四鎮

十一年九月吐谷^澤帥衆詣沙州降「先是吐谷澤畏吐蕃之彊附之者數年至是內

附」河西節度使張敬忠撫納之

十二年十月丁酉謝颺王特勒遣使入奏稱去年五月金城公主遣使詣個失密國云

欲走歸^狀個失密王從臣國王借兵共拒吐蕃王遣臣入取進止上以爲然賜帛遣之

十四年悉諾邏兵入大斗谷進攻甘州焚掠而去隴右節度使王君^彛度其兵疲勒兵

通疏會大雪吐蕃凍死者甚衆自積石軍西歸君^彛先遣人問道入虜境燒道旁草悉

諾邏至大非川欲休士而野^馬皆盡馬死過半君^彛與秦州都督張呆順追之明年正

月及於青海之西乘冰而度悉諾邏已去破其後軍獲其輜重羊馬萬計而還君^彛以

功遷左爲林大將軍拜其父壽爲爲少府監致仕上曲是益事邊功切吐蕃自恃其彊

致書用敵國禮辭指悖慢上意常怒之返自秦山東封張說言於上曰吐蕃無禮誠宜

誅夷但連兵十餘年甘涼河郢不勝其弊雖師屢捷所得不償所亡聞其悔過求和願聽其款服以紓邊人上曰俟吾與王君奐議之說退謂源乾曜曰君奐勇而無謀常思僥幸若二國和親何以爲功吾言必不用矣及君奐入朝果請深入討之遂有此青海之役卒成瓜州之陷

九月丙子吐蕃大將悉諾邏恭祿及燭龍莽布支攻陷瓜州執刺史田元獻及河西節度使王君奐之父進攻玉門軍縱所虜僧使歸涼州謂君奐曰將軍常以忠勇許國何不一戰君奐登城西望而泣竟不能出兵莽布支別攻常樂縣縣令賈師順帥衆拒守及瓜州陷悉諾邏悉兵會攻之旬餘日吐蕃力盡不能克使人說降之不從吐蕃曰明府旣不降宜斂城中財相贈吾當退師順請脫士卒衣悉諾邏知無財乃引去毀瓜州城師順遽閉門收器械修守備虜果復遣精騎還視城中知有備乃去（師順岐州人也）閏月庚子吐蕃贊普與突騎施蘇祿圍安西城安西副大都使護超頤貞擊破之辛巳以左金吾衛大將軍信安王侁爲朔方節度使等副大使以朔方節度使蕭嵩爲

河西節度使副大使時王君奭新敗（君奭爲回紇承宗族子護輸所殺載其尸奔吐蕃）河隴震駭嵩引刑部員外郎裴寬爲判官與君奭判官牛仙客俱掌軍政人心浸安（仙客本鶻觚小吏以才幹軍功累遷至河西節度判官爲君奭腹心）嵩又奏以建康軍使河北張守珪爲瓜州刺史帥餘衆築故城板幹裁立吐蕃粹至城中相顧失色莫有鬥志守珪曰彼衆我寡又瘡痍之餘不可以矢刃相持當以奇計取勝乃於城上置酒作樂虜格殺其有備不敢攻而退守珪縱兵擊之虜敗走守珪乃修復城市收合流散皆復舊業朝廷嘉其功以瓜州爲都督府以守珪爲都督悉諾邏威名甚盛蕭嵩縱反問於吐蕃云與中國通謀贊普召而誅之吐蕃由是少衰

十二月戊寅制以吐蕃爲邊患令隴右道及諸軍團兵五萬六千人河西道及諸軍團兵四萬人又徵關中兵萬人集臨洮朔方兵萬人集會州防秋至冬初無寇而罷伺虜入寇互出兵腹背擊之

十六年春正月壬寅安西副大都護趙頤貞敗吐蕃於曲子城

秋七月吐蕃大將悉木朗寇瓜州都督張守珪擊走之乙巳河西節度使蕭嵩隴右節度使張忠亮大破吐蕃於渴渡谷忠亮追之拔其大莫門城擒獲甚衆焚其駱駝橋而還

辛卯左金吾將軍杜賓客破吐蕃于祁連城下時吐蕃復入寇蕭嵩遣賓客將彊弩四千擊之戰自辰至暮吐蕃大潰獲其大將一人虜散走掘山哭聲四合

三月瓜州都督張守珪沙州刺史賈師順擊吐蕃大同軍大破之

甲寅朔方節度使信安王緯攻吐蕃石堡城拔之初其陷石堡城留兵據之侵擾河右上命與河西隴右同議攻取諸將咸以爲石堡據險而道遠攻之不克將無以自還且宜按兵觀釁不聽引兵深入急攻拔之乃分兵據守要害令虜不得前自是河隴諸軍遊奕拓境千餘里上聞大悅更命石堡城曰振武軍

十八年五月吐蕃遣使致書于境上求和吐蕃兵數敗而懼乃求和親忠王友皇甫惟明因奏事從容言和親之利上曰贊普嘗遺吾書恃慢吐蕃請用敵國禮見二年此

何可捨對曰贊普當開元之初年尙幼穉（武后長安三年贊普立方七歲至開元初猶是幼年）安能爲此書殆邊將詐爲之欲以激怒陛下耳夫邊境有事則將吏得以因緣盜匿官物妄述功狀以取勳爵此皆姦臣之利非國家之福也兵連不解日費千金河西隴右由茲困敝陛下誠命一使往視公主因與贊普面相約結使之稽顙稱臣永息邊患豈非御夷狄之長策乎上悅命惟明與內侍張元方使于吐蕃贊普大悅悉出貞觀以來所得敕書以示惟明冬十月遣其大臣論名悉獵隨惟明入貢表稱甥世尙公主義同一家中間張玄表等先興兵寇鈔（武后時張玄表爲安西都護與吐蕃互相侵掠）遂使二境交惡甥深識尊卑安敢失禮正爲邊將交構致獲罪於舅屢遣使者入朝皆爲邊將所遏今蒙遠降使臣來視公主甥不勝喜荷儻使復修舊好死無所恨自是叶蕃復款附

十九年正月辛未遣鴻臚卿崔琳使于吐蕃吐蕃使者稱公主求毛詩春秋禮記正字于休烈上疏以爲東平王漢之懿親求史記諸子漢猶不與况吐蕃國之寇讎今資之

以書使知用兵權略愈生變詐非中國之利也事下中書門下議之裴光庭等奏吐蕃

變味頑遠久叛新服因其有請賜以詩書庶使之漸陶聲教化流無外休烈徒知得有

權略變詐之語不知忠信禮義皆從書出也上曰善遂與之

秋九月辛未吐蕃遣其相論尙它肆入見請於赤嶺爲互市許之

二十一年二月丁酉金城公主請立碑於赤嶺以分唐與吐蕃之境許之

朝貢復絕

二十五年二月己亥河西節度使崔希逸襲吐蕃破之於青海西初希逸遣使謂吐蕃

乞力徐曰兩國國通好今爲一家何必更置兵守捉妨人耕牧請皆罷之乞徐曰常侍

忠厚（希逸蓋帶散騎常侍鎮河西故稱之）言必不欺然朝廷未必專以邊事相委萬

一有姦人交鬥其間掩吾不備悔之何及希逸因請乃刑白狗爲盟各去守備於是吐

蕃畜牧被野時吐蕃西擊勃律勃律來告急上命吐蕃罷兵吐蕃不奉詔遂破勃律上

甚怒會希逸兼人孫誨入奏事自欲求功奏稱吐蕃無備請掩擊必大獲上命內給事

唐制凡河軍鎮

大使副使以上皆

有僕人別奏以

以爲之使大使

趙惠琮與誨偕往審察事宜惠琮等至則矯詔令希逸襲之希逸不得已發兵自涼州南入吐蕃二千餘里至青海西與吐蕃戰大破之斬首二千餘級乞力徐脫身走惠琮誨皆受厚賞自是吐蕃復絕朝貢

二十六年三月吐蕃寇河西節度使崔希逸擊破之鄯州都督知隴右留後杜希望攻吐蕃新城拔之以其地爲威戎軍置兵一千戍之希逸自念失信於吐蕃內懷愧恨未幾而卒辛丑以岐州刺史蕭昊爲河西節度使摠留後事鄯州都督杜希望爲隴右節度使太僕卿王昱爲劍南節度使分道經略吐蕃仍毀所立赤嶺碑

杜希望將滑州之衆奪吐蕃河橋築鹽泉城於河左吐蕃發兵三萬逆戰希望衆少不敵將卒皆懼左威衛郎將王忠嗣帥所部先犯其陳所向闢易殺數百人虜陳亂希望縱兵乘之虜遂大敗置鎮西軍於鹽泉忠嗣以功遷左金吾將軍初儀鳳中吐蕃陷安戎城而據之其地險要唐屢攻之不克劍南節度使王昱築南城於其側頓軍蒲婆嶺下運資糧以逼之吐蕃大發兵救安戎城昱衆大敗死者數千人昱脫身走糧仗軍資

皆棄之貶昱括州刺史再貶高要尉而死

二十七年八月壬午吐蕃寇白草安人等軍隴右節度使蕭昊擊破之

劍南節度使張宥文吏不習軍旅悉以軍政委團結副使章仇兼瓊兼瓊入奏事盛言安戎城可取上悅之丁巳以宥爲光祿卿十二月以兼瓊爲劍南節度使

二十八年正月章仇兼瓊潛與安戎城中吐蕃翟都局及維州別駕董承晏結謀使局開門引內唐兵盡殺吐蕃將卒使監察御史許遠將兵守之六月吐蕃圍安戎城十月吐蕃寇安戎城及維州發關中廣騎救之吐蕃引去更命安戎城曰平戎城

金城公主薨吐蕃告喪且請和上不許

二十九年六月吐蕃四十萬衆入寇至安仁軍渾崖峯騎將城希液帥衆五千擊破云十二月乙巳吐蕃屠達化縣陷石堡城蓋嘉運不能禦

天寶元年十二月隴右節度使皇甫惟明奏破吐蕃大嶺等軍戊戌又奏破青海道莽布支營三萬餘衆斬獲五千餘級庚子河西節度使王倕奏破吐蕃漁海及遊奕等軍

明皇喜邊功故邊帥告捷者相繼

四月丁亥皇甫惟明引軍出兩平擊吐蕃行千餘里攻洪濟城破之

四載九月隴右節度使皇甫惟明與吐蕃戰於石堡城爲虜所敗副將褚裒戰死

五載正月以隴右節度使皇甫惟明兼河西節度使尋爲李林甫所構貶播州太守以王忠嗣爲河西隴右節度使兼知朔方河東節度事忠嗣始在朔方河東每互市高估馬價諸胡聞之爭賣馬於唐忠嗣皆買之由是胡馬少唐兵益壯及徒隴右河西復請分朔方河東馬九千匹以實之其軍亦壯忠嗣杖四節控制萬里天下勁兵重鎮皆在掌握與吐蕃戰於青海積石皆大捷又討吐谷渾於墨離軍虜其全部而歸

六載河西隴右節度使王忠嗣詞以部將哥舒翰爲大斗軍副使李光弼爲河西兵馬使

充赤水軍使翰父祖本突騎施別部酋長光弼契丹王楷洛之子也皆以勇略爲忠嗣

所重忠嗣使翰擊吐蕃有同列爲之副倨慢不爲用翰搃殺之軍中股慄累功至隴右

節度副使每歲積石軍麥熟吐蕃輒來穫之無能禦者邊人謂之吐蕃麥莊翰先伏兵

於其饜虜至斷其後來擊之無一人得返者自是不敢復來上欲使王忠嗣攻吐蕃石堡城忠嗣上言石堡險固叶蕃舉國守之今頓兵其下非殺數萬人不能克臣恐所得不如所亡不如且厲兵秣_二俟其有釁然後取之上意不快將軍董延光自請將兵取石堡城上命忠嗣分兵助之忠嗣不得已奉詔而不盡副延光所欲延光怨之李光弼言於忠嗣曰大夫以愛士卒之故不欲成延光之功雖迫於制書實奪其謀也何以知之今以數萬衆授之而不立重賞士卒安肯爲之盡力乎然者天子意也

彼無功必歸罪於大夫大夫軍府充牣何愛數萬段帛不以杜其讒口乎忠嗣曰今以數萬之衆爭一城得之未足以制敵不得亦無害於國故忠嗣不欲爲之忠嗣今受責天子不過以金吾羽林一將軍歸宿衛其次不過黔中上佐忠嗣豈以數萬人之命易一官乎李將軍子誠愛我矣然吾志決矣子勿復言光弼曰鄉者恐爲大夫之累故不敢不言今大夫能行古人之事非光弼所及也遂趨出延光過期不克言忠嗣阻撓軍計上怒李林甫因使濟陽別駕魏林告忠嗣嘗自言我幼養宮中與忠王相愛狎欲擁

兵以尊奉太子。敕徵忠嗣入朝。委三司鞠之。上聞哥舒翰召見華清宮。與語恍之。十一月辛卯。以翰判西平太守。充隴右節度使。以朔方節度使安思順判武威郡事。充河西節度使。

初將軍高仙芝本高麗人。從軍安西。仙芝驍勇善騎射。節度使夫蒙靈察屢薦。至安西副都督都知兵馬使。充四鎮節度副使。叶蕃以女妻小勃律王。及其旁二十餘國皆附。吐蕃貢獻不入。前後節度使討之。皆不能克。制以仙芝爲行營節度使。將萬騎討之。自安西行百餘日。乃至特勒滿川。分軍爲三道。期以七月十三日會。吐蕃連雲堡下有兵近萬人。不意唐兵猝至。大驚。依山拒戰。炮礮如雨。仙芝以郎將高陵李嗣業爲陌刀將。令之曰。不及日中決須破虜。嗣業執一旂引陌刀緣險先登。力戰自辰至巳。大破之。斬首五千級。捕虜千餘人。餘皆逃潰。中使邊令誠以入虜境已深。懼不敢進。仙芝乃使令誠以羸弱三千守其城。復進三日。至岷嶺下峻阪四十餘里。前有阿弩越城。仙芝恐士卒憚險不肯下。先令人胡服詐爲阿弩。越城守者迎降云。阿弩越亦心歸唐。婆夷水

藤橋已斫斷矣。婆夷水卽弱水也。其水不能勝草芥。藤橋者通吐蕃之路也。仙芝聞言士卒乃下。又三日阿弩越城迎者果至。明日仙芝入阿弩越城。遣將軍席元慶將千騎前行。謂曰：小勃律聞大軍至，其君臣百姓必走山谷。弟呼出，取絹帛稱敕賜之。大臣至，盡縛之以待我。元慶如其言，悉縛諸大臣王及吐蕃公主，逃入石窟，取不可得。仙芝至，斬其附叶蕃者大臣數人。藤橋去城猶六十里，仙芝忽遣元慶往斫之。甫畢，吐蕃兵大至，已無及矣。藤橋圍盡，一矢力修之。募年乃成。八月，仙芝虜小勃律王及吐蕃公主，而還。九月，至連雲堡，與邊令誠俱。月末，至播密川，遣使奏狀。至白馬河西，夫蒙靈察怒仙芝不先言己，而遽發奏，一不迎勞，罵仙芝曰：「噉狗糞高麗奴。」汝官皆因誰得而不待我處分。擅奏捷書，高麗奴汝罪當斬。但以汝新有功，不忍耳。仙芝但謝罪，邊令誠奏芝仙深入萬里，立奇功。上以仙芝爲安西四鎮節度使，徵靈察入朝。

七載十二月，哥舒翰築神威軍於青海上。吐蕃至，翰擊破之。又築城於青海中，龍駒島。青海周八九百里，中有山須冰台，遊牝馬。其上明年生駒，號龍種，故謂之龍駒島。謂之

應龍城吐蕃屏跡不敢近青海

八載四月上命隴右節度使哥舒翰帥隴右河西及突厥阿布思兵益以朔方河東兵凡六萬三千攻吐蕃石堡城其城三面險絕惟一徑可上吐蕃但以數百人守之多貯糧食積插木及石唐兵前後屢攻之不能克翰進攻數日不拔召裨將高秀巖張守瑜欲斬之二人請三日期可克如期拔之獲吐蕃鐵刃悉諾邏等四百人唐士卒死者數萬果如王忠嗣之言頃之翰又遣兵於赤嶺西開屯田以謫卒二千戍龍駒島冬冰合吐蕃大集戍者盡沒閏月乙丑以石堡城爲神武軍又於劍南西山索磨川置保寧都護府（置保寧都護府以領牂柯吐蕃）

十一月乙未吐火羅葉護失里恒伽羅遣使表稱竭師王親附吐蕃困苦小勃律鎮軍阻其糧道臣患破凶徒望發安西兵以來歲正月至小勃律六月至大勃律上許之九載二月安西節度使高仙芝破竭師虜其王勃特沒三月庚子立勃特沒之兄素迦爲

竭師王

西遊奕使王難得擊吐蕃京五橋拔樹敦城以難得爲白水軍使安西四鎮
度使高仙芝僞與石國約和引兵襲之虜其王及部衆以歸悉殺其老弱仙芝性貪掠
得瑟瑟十餘斛黃金五六橐駝其餘口馬雜貨稱是皆入其家

十二載隴右節度使哥舒翰擊吐蕃拔洪濟大漠門等城悉收九曲部落初高麗人王
思禮思禮俱爲押牙舉王忠嗣翰爲節度使思禮爲兵馬使兼河源軍使翰擊九曲思

禮名期翰將斬之既而復召釋之恩禮徐曰斬則遂斬復召何爲楊國忠欲厚結翰共

排安祿山奏以翰兼河西節度使秋八月戊戌賜韓府西平郡王翰表侍御史裴冕爲

河西行軍司馬是時中國盛彊自安遠門在安西西盡唐境萬二千里閭閻相望桑麻野天

下稱富庶猶無如隴右翰每遣使人奏常乘白橐駝日馳五百里

十三載哥舒翰爲其部將論功敕以隴右十將特進火拔州都督燕山郡王火拔歸仁
爲驃騎大將軍十將唐中世以來軍中將領之職名火拔突厥別部也開元中置火
拔州唐制特進文散階正二品驃騎大將軍武散階從一品河源軍使王恩禮加特

進臨洮太守成如璆討擊副使苑陽魯吳皋蘭府都督渾惟明並加雲麾將軍貞觀
中鐵勒來降以渾都置皋蘭都督府雲麾將軍武散階從三品上隴右討擊副使郭
英義爲左羽林將軍翰又奏嚴挺之之子武爲節度判官河東呂潭爲支度判官前封
邱尉高_人爲掌書記安邑曲環爲別將

七月癸丑哥舒翰奏于所開九曲之地置洮陽澆河二郡及神策軍以臨洮太守成如
璆兼洮陽太守充神策軍使（會要天寶十三節哥舒翰以前年取九曲請以其地置
洮陽郡郡內置神策軍去臨洮郡二百里及安祿山反軍使成如璆遣其將衛伯玉將
千人赴難既而軍地淪入吐蕃伯玉留屯於陝累官至右羽林大將軍上元元年八月
庚午以伯玉爲神策軍節度使

十四載正月蘇毗王子悉諾邏去吐蕃來降（蘇毗吐蕃疆部也）四月以悉諾邏爲懷
義王賜姓名李忠信

是歲吐蕃贊普乞黎蘇籠獵贊卒子姿悉籠獵贊立

南詔附吐蕃

楊國忠德鮮于仲通荐爲劍南節度使仲通性褊急失蠻夷心故事南詔常與妻子俱謁都督過雲南雲南太守張虔陀皆私之又多所徵求南詔王閣羅鳳不應虔陀遣人詈辱之仍密奏其罪閣羅鳳忿怒天寶元年發兵反攻陷雲南殺虔陀取夷州三十二載四月壬午劍南節度使鮮于仲通討南詔蠻大敗於瀘南時仲通將兵八萬分二道出戎州至曲州靖州（分爲二道一道出戎州一道出嵩州自戎州開邊縣西行七十里至曲州自嵩州西南行八百餘里渡瀘水）南詔王閣羅鳳謝罪請還所俘掠城雲南而去且曰今吐蕃大兵壓境若不許我我將歸命吐蕃雲南非唐有也仲通不許囚其使進軍至西洱河與閣羅鳳戰軍大敗士卒死者六萬人仲通僅以身免楊國忠掩其敗狀仍叙其戰功閣羅鳳歛戰尸築爲京觀遂北臣於吐蕃蠻語謂第爲鍾吐蕃命閣羅鳳爲贊普鍾號曰東帝給以金印閣羅鳳刻碑於國門言已不得已而叛唐且曰我世世事唐受其封爵後世容復歸唐當指碑以示唐使者知吾之叛非本心也

制大募西京及河南北兵以擊南詔人聞雲南多瘴癘未戰士卒死者什八九莫肯應募楊國忠遣御史分道捕人連枷送詣軍所舊制百姓有勳者免征役時調兵既多國忠奏先取高勳於是行者愁怨父母妻子送之所在哭聲振野

十一載六月甲子兵部侍郎兼御史中丞劍南節度使楊國忠奏吐蕃兵六十萬救南詔劍南兵擊破之於雲南克故隰州等三城捕虜六千三百以道遠簡壯者千餘人及酋長降者獻俘于朝

十三載侍御史劍南留後李宓將兵擊南詔閣羅鳳誘之深入至大和城閉壁不戰宓糧盡士卒罹瘴疫及餓死什六七乃引還蠻追擊之宓被擄全軍皆沒楊國忠隱其敗更以捷聞益發中國兵討之前後死者幾二十萬人無敢言者上嘗謂高力士曰朕命老矣朝事付之宰相邊事付之諸將夫復何憂力士對曰臣聞雲南數喪師又邊將擁兵太盛陛下將何以制之臣恐一旦禍發不可復救何得謂無憂也上曰卿勿言朕徐思之

乘亂淪沒

至德元載安祿山反破潼關入長安上皇入蜀太子卽位於靈武改元至德回紇可汗吐蕃贊普相繼遣使請助國討賊宴賜而遣之

吐蕃陷威戎神威定戎宣威制勝金天天成等軍石堡城百谷城雕窠城定戎軍在石堡城北隔湖七里廓州西南百四十里有洪濟橋金天軍其東南八十里有百谷城朔州西八十里索恭川有成軍西有餘里有雕窠城皆天寶十三載置
至德二載十月吐蕃陷西平

乾元元年十二月吐蕃陷河源軍

上元元年吐蕃陷廓州

寶應元年正月甲辰吐蕃遣使請盟郭子儀令于鴻臚寺挿血以申蕃戎之禮

吐蕃入長安

初郭子儀數上言吐蕃黨項不可忽宜早爲之備代宗廣德元年四月辛丑遣御史大

夫李之芳等使于吐蕃爲虜所留二年乃得歸

吐蕃入大震關陷蘭廓河巽洮岷秦成渭等州盡取河西隴右之地唐自武德以來開拓邊境地連西域皆置都督府州縣開元中設朔方隴右河西安西北庭諸節度使以統之歲發山東丁壯爲戍卒緡帛爲軍資開屯田供糗糧設監牧畜馬牛軍城守邏萬里相望及安祿山反邊兵精銳者皆徵發入援謂之行營所留兵單弱胡虜稍蠶食之數年間西北數十州相繼淪沒自鳳翔以西邠州以北皆爲左衽矣

吐蕃之入寇也邊將告急程元振皆不以聞十月吐蕃寇涇州刺史高暉以城降之遂爲之鄉導引吐蕃深入過邠州上始聞之辛未寇奉天武功京師震駭詔以雍王适爲關內元帥郭子儀爲副元帥出鎮咸陽以禦之子儀閑廢日久部曲離散至是召募得二十騎而行至咸陽吐蕃帥吐谷渾黨項氏羌二十餘萬衆彌漫數十里已自蜀竹園渡渭循山而東子儀使判官中書舍人王延昌入奏請益兵程元振過之竟不召見癸酉渭北行營兵馬使呂月將將精卒二千破吐蕃於盤屋之西乙亥吐蕃寇盤屋月將

復與力戰兵盡爲虜所擒上方治兵而吐蕃已度便橋會碎不知所爲丙子出幸陝州
官吏竊六軍散逃郭子儀聞之遽自咸陽歸長安比至車駕已去上纔出苑門度涇
水射生將王獻忠擁四百騎叛還長安魯豐王琪等十王西迎吐蕃遇子儀於開遠門
內子儀叱之獻忠下馬謂子儀曰今主上東遷社稷無主令公身爲元帥廢立在一言
耳子儀未應琪越次言曰公何不言子儀責讓之以兵援送行在丁丑車駕至華州官
吏奔散無復供擬扈從將士不免凍餒會觀軍容使魚朝恩將神策軍自陝來迎上乃
幸朝恩營豐王琪見上於潼關上不之責退至幕中有不遜語羣臣議誅之乃賜死戊
寅吐蕃人長安高暉與吐蕃大將馬重英等立故邠王守禮之孫承宏爲帝改元置百
官以前翰林學士于可封等爲相吐蕃剽掠府庫市里焚閭舍長安中蕭然一空苗晉
卿病臥家遣人輿入迫脅之晉卿閉口不言虜不敢殺於是六軍散者所在剽掠土民
避亂皆入山谷辛巳上至陝百官稍有至者郭子儀引三十騎自御宿川循山而東謂
王延昌曰六軍將士逃潰者甚多在商州今速往收之并發武關防兵數日間北出藍

田以向長安吐蕃必遁過藍田遇元帥都虞候臧希讓鳳翔節度使高昇得兵近千人子儀與延昌謀曰潰兵至商州官吏必逃匿而人亂使延昌自直徑入商州撫諭之諸將方縱兵暴掠聞子儀至皆大喜聽命子儀恐吐蕃逼乘輿留軍七盤三日乃行比至商州行收兵並武關防兵合四千人軍勢稍震子儀乃泣諭將士以共雪國恥取長安皆感激受約束子儀請太子賓客第五琦爲糧料使給軍食上賜子儀詔恐吐蕃東出潼關徵子儀詣行在子儀表稱臣不收京城無以見陛下若出兵藍田虜必不敢東向上許之鄜延節度判官段秀實說節度使白孝德引兵赴難孝德卽日大舉南趣京畿與蒲陝商華合勢進擊吐蕃旣立廣武王承宏欲掠城中士女百工整衆歸國子儀說左羽林大將軍長孫全緒二百騎出藍田觀虜勢令第五琦攝京兆尹與之偕行又令寶應軍使張知節將兵繼之全緒至韓公堆晝則擊鼓張旂幟夜則多然火以疑吐蕃前光祿卿殷仲卿聚衆近千人保藍田與全緒相表裏帥二百餘騎直渡湓水吐蕃懼百姓又給之曰郭令公自商州將大軍不知其數至矣虜以爲然稍稍引軍去全緒又

使射生將王甫入城陰結少年數百夜擊鼓大呼於朱雀街吐蕃惶駭庚寅悉衆遁去

吐蕃還至鳳翔節度使孫志直閉城拒守吐蕃圍之數日鎮西節度使馬璘聞車駕幸陝將精騎千餘自河西入赴難轉門至鳳翔值吐蕃圍城璘帥衆持滿外向突入城不解甲背城出戰單騎先士卒奮擊俘斬千計而歸明日虜復逼城請戰璘開懸門以待之虜引退曰此將軍不惜死宜避之遂去居於原會成渭之地

吐蕃陷松維保三州及雲山新築二城西川節度使高適不能救於是劍南西山諸州亦入於吐蕃矣

吐蕃引外兵

二年五月郭子儀奏僕固懷恩引回紇吐蕃將入寇京師震駭詔子儀帥諸將出鎮奉天上召問方略對曰懷恩無能爲也上曰何故對曰懷恩勇而少恩心士不附所以能入寇者恩歸之士耳懷恩本臣偏裨其麾下皆臣部曲必不忍以鋒刃相向以是知

其無能爲也辛巳子儀發赴奉天

九月辛亥以郭子儀充北道邠寧涇原河西以來通和吐蕃使以陳鄭澤潞節度使李抱玉充南道和吐蕃使（託通和以緩吐蕃之兵）子儀聞吐蕃逼邠州甲寅遣其子朔方兵馬使晞將兵萬人救之

己未劍南節度使嚴武破吐蕃七萬衆拔當狗城十月庚午復拔吐蕃鹽川城

僕固懷恩前軍至宜祿郭子儀使右兵馬使李國臣將兵爲郭晞後繼邠寧節度使白孝德敗吐蕃一千餘衆於宜祿生擒蕃將數人十月懷恩引回紇吐蕃至邠州白孝德郭晞閉城拒守

僕固懷恩與回紇吐蕃進逼奉天京師戒嚴諸將請戰郭子儀不許曰虜深入吾地利於速戰吾堅壁以待之彼以吾爲怯必不戒乃可破也若遽戰而不利則衆心離矣敢言戰者斬辛未夜子儀出陳於乾陵之南壬申未明虜衆大至虜始以子儀爲無備欲襲之忽見大軍驚愕遂不戰而返子儀使裨將李懷光等將五千騎追虜至麻亭而還

虜至涿州丁丑攻之不克乙酉虜涇而還
二年三月庚戌吐蕃遣使請和詔元載杜鴻漸與盟於興唐寺上問郭子儀吐蕃請和
何如對曰吐蕃利我不虞若不虞而來國不可守矣乃相遣繼河中兵戍奉天又遣兵
巡涇源以覘之

僕固懷恩誘回紇吐蕃吐谷渾黨項奴利數十萬衆俱入寇令吐蕃大將尙結悉贊摩
馬重英等自北道趣奉天黨項帥任敷鄭庭邾德等自東道趣同州吐谷渾勦刺之衆
自西道趣盩厔回紇繼吐蕃之後懷恩又以朔方兵繼之郭子儀使行軍司馬趙復入
奏曰虜皆騎兵其來如飛不可易也請使諸道節度使鳳翔李抱玉滑濮李光庭邠寧
白孝德鎮西馬璘河南郝庭玉淮西李忠臣各出兵以扼其衝要上從之諸道多不時
出兵李忠臣方與諸將擊毬得詔亟命治行諸將及監軍皆曰師行必擇日忠臣怒曰
父母有急豈可擇日而後救耶即日勒兵就道懷恩中途遇暴疾而歸丁酉死於鳴沙
大將張韶代領其衆別將徐瑣玉殺之范志誠又殺瑣玉而領其衆懷恩拒命三年再

引胡寇爲國大患上猶爲之隱前後勅制未嘗言其反及聞其死憫然曰懷恩不反爲左右所誤耳吐蕃至邠州白孝德嬰城自守甲辰上命宰相及諸司長官於西明寺行香設素饌奏樂是日吐蕃十萬衆至奉天京城震恐朔方兵馬使渾瑊討擊使白元光先戍奉天虜始列營城帥驍騎二百衝之身先士卒虜衆披靡瑊挾虜將一人躍馬而還從騎無中鋒鏑者城上士卒望之勇氣始振乙巳吐蕃進攻之虜死傷甚衆數日斂衆還營瑊夜引兵襲之殺千餘人前後與虜戰二百餘合斬首五千級丙午召郭子儀於河中使屯涇陽己酉命李忠臣屯東渭橋李光進屯雲陽馬璘郝庭玉屯便橋李抱玉屯鳳翔內侍駱奉仙將軍李日越屯熱屋同華節度使周智光屯同州鄜坊節度使杜冕屯坊州上自將六軍屯苑中庚戌下制親征辛亥魚朝恩請索城中括士民私馬令城中男女皆衣皂團結爲兵城門皆塞二開一士民大駭踰垣繫寶而逃者甚衆吏不能禁朝恩欲奉上幸河中以避吐蕃恐羣臣議論不一且百官入朝立班久之闔門不開朝恩忽從禁軍十餘人操白刃而出宣言吐蕃數犯郊畿車駕欲幸河中何如

公卿皆錯愕不知所對有劉給事者獨出班抗聲曰勅使反邪今屯軍如雲不戮力扞
寇而遽欲脅天子棄宗廟社稷而去非反而何朝恩驚沮而退事遂寢自丙午至甲寅
大雨不止故虜不能進吐蕃移兵攻懷泉黨項掠白水東侵蒲津丁巳吐蕃大掠男女
數萬而去所過焚廬舍蹂禾稼殆盡周智光引兵邀擊破之於澄城北因逐北至鄜州
智光素與杜冕不協遂殺鄜州刺史張麟阮冕家屬八十一人焚坊州廬舍三千餘家
冬十月吐蕃退至邈州遇回紇復相與入寇辛酉至奉天癸亥黨項焚同州官廨民居
而去丙寅回紇吐蕃合兵圍涇陽子儀命諸將嚴設守備而不戰及暮二虜退也北原
丁卯復至城下是時回紇與吐蕃吐蕃僕固懷恩死已爭長不相睦分營而處子儀知之
回紇在城西子儀使牙將李光瓚等往說之欲與之共擊吐蕃回紇不信曰郭公固在
此乎汝給我耳若果在此可得見乎光瓚還報子儀曰今衆寡不敵難以力戰者與回
紇契約甚厚不若挺身往說之可不戰而下也諸將請選鐵騎五百爲衛從子儀曰此
適足爲害也郭歸扣馬諫曰彼虎狼也大人國之元帥奈何以身爲虜子儀曰今戰

則父子俱死而國危往以至誠與之言或幸而見從則四海之福也不然則身沒而家全以鞭擊其手曰去遂與數騎開門而出使人傳呼曰令公來回紇大驚其大帥合胡祿都督藥葛羅可汗之弟也執弓注矢立於陣前子儀免胄解甲投槍而進回紇諸酋長相顧曰是也皆下馬羅拜子儀亦下馬前執藥葛手讓之曰汝回紇有大功於唐唐之報汝亦不薄奈何負約深入侵逼畿縣棄前功結怨仇背恩德而助叛天臣何其愚也且懷恩叛臣棄母於汝國何有今吾挺身而來聽汝執我殺之我之將士必致死於汝戰矣藥葛羅曰懷恩欺我言天可汗已宴駕令公已捐館中國無主我是以敢與之來今知天可汗在上都令公復總兵於此懷恩又爲天欲殺我曹豈肯與令公戰乎子儀因說之曰吐蕃無道乘我國有亂不顧舅甥之親吞噬我邊鄙焚蕩我畿甸其所掠之財不可勝載馬牛雜畜長數百里彌漫在野此天以賜汝也全師而繼好破敵以取富爲汝計孰便於此不可失也藥葛羅曰吾爲懷恩所誤負公誠深今請爲公盡力擊吐蕃以謝過然懷恩之子可敦兄弟也願捨之勿殺子儀許之回紇觀者爲兩翼稍前子

儀麾下亦進子儀揮手却之因取酒與其酋長共飲藥葛羅使子儀先執酒爲誓子儀酌地曰大唐天子萬歲回紇可汗亦萬歲兩國將相亦萬歲有負約者身隕陳前家族喪滅益至藥葛羅亦酌地曰如令公誓於是諸酋長皆大喜曰竊以二巫師從軍巫言此安甚安隱不與唐戰見一人面還今果然矣子儀遺綵三千匹酋長分以賞巫子儀竟與定約而還吐蕃聞之夜外兵遁去回紇遣其酋長石野那等六人入見天子藥葛羅帥衆追吐蕃子儀使白元光帥精騎與之俱癸酉戰於靈台西原大破之殺吐萬蕃計得所掠士女四千人丙子又破之於涇州東丁丑僕五懷恩將張休藏等降辛巳詔罷親征京城解嚴

大曆元年二月己亥命大理少卿楊濟修好於吐蕃

四月庚子命宰相魚朝恩與吐蕃盟於興唐寺

九月吐蕃衆數萬圍靈州遊騎至潘原宜祿詔郭子儀自河中帥甲士三萬鎮涇陽京師戒嚴甲子子儀移鎮奉天

十月戊寅朔方節度使路嗣恭破吐蕃於靈州城下斬首二千餘級吐蕃引去

三年八月壬戌吐蕃十萬衆寇靈武丁卯吐蕃尙贊摩二萬衆寇邠州京城戒嚴邠寧節度使馬璘擊破之

九月壬申命郭子儀將兵五萬屯奉天以備吐蕃壬午朔方騎將白元光擊吐蕃破之壬辰元光又破吐蕃二萬衆於靈武鳳翔節度使李抱玉使右軍都將臨洮李晟將兵五千擊吐蕃晟曰以力則五千不足用以謀則太多乃將千人出大關至臨洮屠吐蕃定秦堡焚其積聚虜堡帥慕容谷種而還吐蕃聞之釋靈州之圍而去戊戌京師戒嚴

十一月郭子儀還河中元載以吐蕃連歲入寇馬璘以四鎮兵屯邠寧力不能拒而郭子儀以方朔重兵鎮河中深居腹中無事之地乃與子儀及諸將議徙璘鎮涇州而使子儀以方朔兵鎮邠州曰若以邊土荒殘軍費不給則以內地租稅及運金帛以助之諸將皆以爲然十二月己酉徙馬璘爲涇原節度使以邠寧三州隸朔方

癸亥西川破吐蕃萬餘衆

四年六月辛酉郭子儀自河中遷於邠州其精兵皆自隨餘兵使裨將將之分守河中靈州軍士久家河中頗不樂徙往往自邠逃歸行軍司馬嚴郢領留府悉捕得誅其渠帥衆心乃定

九月吐蕃寇靈州丁丑朔方留後常謙光擊破之

十月常謙光東吐蕃寇鳴沙首尾四十里郭子儀遣兵馬使渾瑊將銳兵五千救靈州子儀自將追至慶州聞吐蕃退乃還

五年九月吐蕃寇永壽

六年春二月壬寅河西隴右山南西道副元帥兼澤潞山南西道節度使李抱玉上言凡所掌之兵當自訓練今自河隴達於扶文綿亘二千餘里撫御至難若吐蕃道岷隴俱下臣保固汧隴則不救梁岷進兵扶文則寇逼關輔首尾不贍進退無從願更擇能臣委以山南使臣得專備隴坻詔許之

四月吐蕃請和庚辰遣兼御史大夫吳悅使於吐蕃

八月丁卯淮西節度使李忠漢將兵二千屯奉天防秋吐蕃數人寇唐歲調關東之兵屯京西以防之謂之防秋

九月吐蕃下青石嶺軍於那城郭子儀使人諭之明日引退

七年四月吐蕃五千騎至靈州尋退

八年八月己未吐蕃六萬騎寇靈武踐秋稼而去

十月靈州破吐蕃萬餘衆吐蕃衆十萬寇涇邠郭子儀遣朔方兵馬使渾瑊將步騎五千拒之庚申戰於宜祿城登黃原望虜命瑊諭布拒馬以備其驅突宿將史抗溫儒雅等意輕瑊不用其命城召使擊虜則已醉矣見拒馬曰野戰烏用此爲命撤之叱騎兵冲虜陳不能入而返虜躡而乘之官軍大敗士卒死者什七八居民爲吐蕃所掠千餘人甲子馬璘與吐蕃戰於鹽倉又敗璘爲虜所隔逮暮未還涇原兵馬使焦令珣等與敗卒爭門而入或勸行軍司馬段秀實乘城拒守秀實曰大帥未知所在當前擊虜

豈得苟自全乎召令湛等讓之曰軍法失大將麾下皆死諸君忘其死邪令誡等惶懼拜請命秀實乃發城中兵未戰者悉出陳於東原且收散兵爲將力戰狀吐蕃畏之稍卻旣夜璘乃得還郭子儀召諸將謀曰敗軍之罪在我不在諸將然朔方兵精聞天下今爲虜敗何策可以雪恥莫對渾瑊曰敗軍之將不當復預議然願一言今日之事惟理瑊罪則再見任子儀赦其罪使將兵趣將那虜旣破官軍欲掠渭隴鹽州刺史李國臣曰虜乘勝必犯郊畿我倚其後虜必返顧乃引兵趣秦原鳴鼓而西虜聞之至百城返渾瑊邀之於隘盡復得其所掠馬璘亦出精兵襲虜輜重千潘原殺數千人虜遂遁去

初元載嘗爲西州刺史知河西隴右山川形勢是時吐蕃數爲寇載言於上曰四鎮北庭旣治涇州無險可守隴山高峻南連秦嶺北抵大河今國家西境盡潘原而吐蕃戍擢沙堡原州居其中間當隴山之口其西皆監牧故地草肥水美平涼在其東獨耕一縣可給軍食故壘尙存吐蕃而不居每歲盛夏吐蕃畜牧青海去塞甚遠若乘間築

之二旬可畢移京西軍戍原州移郭子儀軍戍涇州爲之根本分兵守右門木峽漸開隴右進達安西據吐蕃腹心則朝廷可高枕矣並圖地形獻之密遣人過隴山商度功用會汴宋節度使田神功入朝上問之對曰行軍料敵宿將所難陛下奈何用一書生語欲舉國從之乎尋得罪事遂寢

大曆九年二月諫議大夫吳損使吐蕃之累年竟病死虜中

癸巳郭子儀入朝上言朔方國之北門中間戰士耗散什纔有一今吐蕃兼河隴之地雜羌渾之衆勢難十倍願更於諸道各發精卒成四五萬人則制勝之道必矣郭子儀辭還鄆州復爲上言邊事至涕泗交流

十年正月乙卯西川節度使崔寧東破吐蕃數萬於西山斬首萬級捕虜數千人

九月壬子吐蕃寇臨涇癸丑寇隴州及普潤大掠人畜而去百官往往遣家屬出城竄匿丙辰鳳翔節度使李抱玉奏破吐蕃於義寧

吐蕃寇涇州涇原節度使馬璘破之於百里城

十一年正月辛亥西川節度使崔甯奏破吐蕃四節度及突厥吐谷渾氏羗蠻蠻衆二十餘萬斬首萬餘級

九月吐蕃寇石門人長澤川

十二年四月丁酉寇黎雅州西川節度使崔甯擊破之

九月吐蕃八萬衆軍於原州北長澤監已已破方渠入拔谷郭子儀使裨將李懷光教之吐蕃退庚午吐蕃寇坊州

十月乙酉西川節度使崔甯奏大破吐蕃於望漢城

吐蕃寇鹽夏州又寇長武郭子儀遣將拒卻之

十一月壬子山南西道節度使張獻恭奏破吐蕃萬餘衆於岷州

十二月丁亥崔甯奏破吐蕃十餘萬斬首八千餘級

十二年正月己亥吐蕃遣其將馬重英帥衆四萬寇靈州奪填漢御史尙書三渠水口以弊屯田

四月甲辰吐蕃寇靈州朔方留後常謙光擊破之

六月吐蕃將馬重英二萬衆寇鹽慶二州郭子儀遣朔方都虞侯李懷光擊卻之

八月吐蕃二萬衆寇銀麟州略黨項雜畜郭子儀遣李懷光擊卻之

九月庚午吐蕃萬騎下青石嶺逼涇州詔郭子儀朱泚與段秀實共卻之

十四年初(德宗卽位之明年時因諒陰未改元)代宗之世吐蕃數遣使求和而寇益
不息代宗悉留其使者前後八輩有至老死不得歸者俘獲其人皆配江嶺上欲以德
懷之乙巳以隨州司馬韋倫爲太常少卿使于吐蕃悉集其俘五百人各賜襲衣而遣
之

冬十月丁酉朔吐蕃與南詔合兵十萬三道入寇一出茂州一出扶文一出黎雅曰吾
欲取蜀以爲東府崔甯在京師所留諸將不能禦虜連陷州縣刺史棄城走士民竄匿
山谷上憂之趣甯歸鎮寧已辭楊炎言於上曰蜀地富饒寧據有之朝廷失其外府十
四年矣寧雖入朝全師尙守其後貢賦不人與無蜀同且寧本與諸將等夷因亂得位

威令不行今雖遣之必恐無功若其有功則義不可奪是蜀地敗固失之雖亦不得也
願陛下熟察上曰然則奈何對曰請留甯發朱泚所領范陽兵數千人雜禁兵往擊之
何憂不克因而得內親兵於其腹中蜀將必不敢動然後更授他帥使千里沃壤復爲
國有是因小害而收大利也上曰善遂留甯初馬璘忌涇原都知兵馬使李晟功名遣
入宿衛爲右神策都將上發禁兵四千人使晟將之發歸隴范陽兵五千使金吾大將
軍安邑曲環將之以救蜀東川出兵自江油趨白壩與山南兵合擊吐蕃南詔破之范
陽兵追及於七盤又破之遂克維茂二州李晟追擊於大度河外又破之吐蕃兩詔凱
寒隕於崖谷死者八九萬人吐蕃悔怒殺誘導使之來者異牟尋懼築苴畔城延袤十
五劉文喜又劉文喜又不受詔欲自邀旌節夏四月乙未朔据涇州叛遣其子質于吐蕃以求援

上命朱泚李懷光討之又命神策軍使張巨濟將禁兵二千助之

朱泚綏圍劉文喜于涇州杜其出入而閉壁不與戰久之不拔天方旱徵發餽運內外
騷然朝臣上書請赦文喜以蘇蘇人者不可勝紀上皆不聽曰微孽不除何以今天下

文喜使其將劉海賓入都海賓言于上曰臣乃陛下藩邸曲豈肯附叛漢必爲陛下梟其首以獻但文喜今所求者節而已願陛下姑與之文喜必怠則臣計得施矣上曰名器不可假人爾能立效固善我所不可得也使海賓歸以告文喜而攻之如初減御膳以給軍士城中將士當受春服者賜予如初於是衆知上意不可移時吐蕃方睦於唐不爲發兵城中勢窮庚寅海賓與諸將共殺文喜傳首而原州竟不果城

初朱泚鍾鳳翔遣其將牛雲光將幽州兵五百人戍隴州以隴右營田判官韋皋領隴右留後及郝通奔鳳翔牛雲光詐疾欲俟皋至伏兵執之以應泚爭泚帥其衆奔泚至汧陽十月遇泚遣中使王玉齋詔書加皋中丞丞玉說雲光曰韋皋書生也君不如與我俱之隴州皋幸而受命乃吾人也不受命君以兵誅之如取孤獨耳雲光從之皋從城上問雲光曰曩者不告而行今而復來何也雲光曰縛者未知公心今公有新命故復來願託腹心皋乃先納泚王受其詔書謂雲光曰大使苟無異心請悉納甲兵使城中無疑衆乃可入雲光以皋書生易之乃悉以甲兵解之而入明日皋宴雲光及其卒

於鄆舍伏甲誅之築壇盟將士曰李楚琳賊虐本使既不事上安能恤下宜相與討之
遣兄平弁詣奉天復遣使求援子吐蕃

十一月乙亥以隴州爲奉義軍擢衆爲節度使泚又使中使劉海廣許崇鳳翔節度使
舉斬之

唐歸俘求和

吐蕃始聞韋倫歸其俘不之信及俘入境各還部落稱新天子出宮人放禽獸英威聖
德洽於中國吐蕃大悅除道迎倫贊普卽發使隨倫入貢且致賻贈癸酉至京師上禮
接之旣而蜀州上言吐蕃豺狼所獲俘不可歸上曰戎狄犯塞則擊之服則歸之擊以
示威歸以示信威信不立何以懷遠悉命歸之

五月戊辰以韋倫爲太常卿乙酉復遣倫使吐蕃倫請上自爲載書與吐蕃盟楊炎以
爲非敵請與郭子儀輩爲載書以聞令上畫可而已從之

吐蕃見韋倫再至益喜十二月辛卯朔倫還吐蕃遣其相論欽明思等入貢

遺使中少監崔漢衡使于吐蕃

崔漢衡至吐蕃贊普以敕書稱貢獻及賜金以臣禮見處又雲州之西當以賀蘭山爲境邀漢衡更請之丁未漢衡遣判官與吐蕃使者入稟上爲之改敕書境土皆如其請

庚申吐蕃歸羈日所俘掠兵民八百人

九月癸卯庶中少監崔漢衡自吐蕃歸

戊辰遣都官員外部樊澤使於吐蕃告以結盟之期

建中四年春正月丁亥隴右節度使張勣與吐蕃尙結贊盟於清水

二月戊申朔命鴻臚卿崔漢衡送區頰贊還吐蕃

四月上命宰相尙書與吐蕃區頰贊盟於丰邑里區頰贊以清水之盟疆場未定不果

盟

己未命崔漢衡入吐蕃決於贊普

五月庚午答蕃判官監察御史於頤與吐蕃使者論刺沒藏至自青海言疆場已定請

遣區類贊歸國秋七月中申以禮部尚書李揆爲入蕃會盟使

壬辰詔諸將相與區類贊盟於城西李揆有才望盧杞惡之故使之入吐蕃揆言於上曰漢不憚遠行恐死於道路不能達詔命上爲之惻然謂杞曰揆無乃太老杞曰使遠夷非諸練朝廷故事者不可且揆則自今年少於揆者不敢辭遠使矣

興中元年二月吐蕃尙結贊請出兵助唐收京城庚子遣秘書監崔漢衡使吐蕃發其兵時上遣崔漢衡詣吐蕃發兵吐蕃相尙結贊言蕃法發兵以主兵大臣爲信今制書無李懷光署名故不敢進上命陸贄諭懷光懷光固執以爲不可曰若克京城吐蕃必縱兵焚掠誰能遏之此一害也前有敕旨募士卒克城者人賞百緡彼發兵九萬若援敕求賞五百萬緡何從可得此二害也虜騎雖來必不先進勒兵自固觀我兵勢勝則從而分功敗則從而圖變譏詐多端不可親信此三害也竟不肯署敕尙結贊亦不進軍懷光已叛遣使詣邠州令留張以悉發所留兵會涇陽時崔漢衡以吐蕃兵營於邠南高固曰昕以衆去則邠城空矣乃詐爲渾瑊書召吐蕃使稍逼邠城則等懼竟不敢

出所等謀殺諸將之不從者韓遊瓌知之先與高固等與兵殺所遣懷寶奉表以聞且遣人告崔漢衡漢衡矯詔以遊瓌知軍府事軍中大喜

四月渾瑊帥諸軍出斜谷崔漢衡勸吐蕃出兵助之尙結贊曰邠軍不出將襲我後韓遊瓌聞之遣其將曹子達將兵三千往會瑊瑊遣其將論莽羅依將兵二萬從之李楚琳遣其將石鎧將卒七百從瑊援武功庚戌朱泚遣其將韓旻攻武功泚以其衆迎降瑊戰不利收兵登西原會曹子達以吐蕃至擊旻大破之於武亭川斬首萬餘級旻僅以身免瑊遂引兵屯奉天與李晟東西相應以逼長安

左僕射李揆自吐蕃還甲子薨於鳳州

五月吐蕃既破韓旻等大掠而去朱泚使田希鑿厚以金帛賂之吐蕃受之韓遊瓌以聞渾瑊又稟尙結贊奉屢遣人約刻日共取長安既而不至聞其衆今春大疫近已死兵去上以李晟渾瑊兵少欲倚吐蕃以復京城聞其去甚憂之以問陸贄贄以爲吐蕃貪狡有害無益得其引去實可欣賀乃上稟其略曰吐蕃遷延願望反覆多端深入郊畿

陰受賊使致令羣帥進退憂虞欲捨之獨前則虛其懷怨乘蹙欲待之台勞則苦其失信稽延戎若未歸寇終不滅又曰將帥意陛下不見信任且患蕃戍之奪其功士卒恐陛下不恤舊功而畏蕃戍之專其利賊黨懼蕃戍之勝不死則悉遣人禽百姓畏蕃戍之來有財必盡爲所掠是以順於王化者其心不得不怠陷於寇境者其勢不得不堅又曰今懷光別保蒲絳吐蕃遠避封疆形勢既分腹背無患賊戢諸帥才力得伸又曰但願陛下慎於撫接勤於砥礪中興大業旬月可期不宜尙眷眷於犬羊之羣以失將士之情也

北庭安西自吐蕃陷河隴隔絕不通伊西北庭節度使李元忠四鎮留後郭昕帥將士閉境拒守數遣使奉表皆不達聲問絕者十餘年至是遣使間道歷諸胡自曰紇中來上嘉之秋七月戊午朔加元忠北庭大都護賜爵_字財塞郡王以昕爲安西大都護四鎮節度使賜爵武威郡王將士皆遷七寶元忠姓名朝廷所賜也本姓曹名令忠昕子儀弟也

丙子贈故伊州刺史袁光庭工部尙書光庭天寶末爲伊州刺史叶蕃陷河隴光庭堅守累年吐蕃口方誘之不下糧竭兵盡城且陷光庭先殺妻子然後自焚郭昕使至朝廷始知之故贈官

初上發吐蕃以討朱泚許成功以伊西北庭之地與之及泚誅叶蕃來求地上欲召兩鎮節度使郭昕李元忠還朝以其地與之李泌曰安西北庭人性驍悍控制西域五十七國及十姓突厥又分吐蕃之勢使不能併兵東侵本何拱手與之且兩鎮之人勢孤地遠盡忠竭力爲國家固守近二十年誠可哀憐一旦棄之以與戎狄彼其心必深怨中國它日從吐蕃人寇如報私讐矣况日者吐蕃觀望不進陰持兩端大掠武功受賂而去何功之有衆議亦以爲然上遂不與

李晟以涇州倚邊屢害軍帥常爲亂根稟請往理不用命者力田積粟以攘吐蕃癸卯以晟兼鳳翔右節度等使及四鎮北庭涇原行營副元帥進爵西平王

七月丙戌吐蕃尙結贊大舉寇涇隴事劫掠人畜芟禾稼西鄙騷然州縣各城守詔渾

滅將萬人駱元光將八千人屯咸陽以備之

吐蕃遊騎及好畤乙巳京城戒嚴復遣金吾將軍張獻甫屯咸陽民間傳言上復欲出幸以避吐蕃齊映見上言曰外間皆言陛下已理裝具輜糧人情恟懼夫大福不再陛下奈何不與臣等熟計之因伏地流涕上亦爲之動容李晟遣其將王佖將驍勇三千伏於汧城戒之曰虜過城下勿擊其首首雖敗彼全軍而至汝弗能當也不若俟前軍已過見五方旗虎豹衣乃其中軍也出其不意擊之必大捷佖用其言尙結贊敗走軍士不識尙結贊僅而獲免尙結贊謂其徒曰唐之良將李晟馬燧渾瑊而已當以計去之入鳳翔境內無所俘掠以兵二萬直抵城下曰李令公另我來何不出犒我經宿乃引退

冬十月癸亥李晟遣蕃落使野詩良輔與王佖將步騎五千襲吐蕃摧砂堡壬申遇吐蕃衆二萬與戰破之乘勝遂北至堡下攻拔之斬其將扈屈律悉蒙焚其蓄積而還尙結贊引兵自寧慶北去癸酉軍於合水之北邠寧節度使韓遊瓌遣其將史履程夜襲

其營殺數百人吐蕃追之遊瓌陳於平川潛使人鼓於西山虜驚棄所掠而去

十一月辛丑吐蕃寇鹽州謂刺史杜彥光曰我欲得城聽爾率人去彥光悉衆奔鄯州吐蕃入据之

十二月吐蕃又寇夏州亦令刺史托跋乾暉帥衆去遂据其城又寇銀州州素無城吏民皆潰吐蕃亦棄之又陷^麟綏州

韓遊瓌稟請發兵攻鹽州吐蕃救之則使河東襲其背丙寅詔駱元光及陳許兵馬使韓全義將步騎萬二千人會邠寧軍趣鹽州又命馬燧以河東軍擊吐蕃燧至石州河曲六胡州皆降還於雲朔之間

南詔內附分吐蕃之黨

鄭

初雲南干闥維風陷嶺州獲西戶令蠻回回相州人通經術闥維風愛重之其子風迦異及孫牟尋曾孫尋夢湊皆師事之每授學回得捷之及異牟尋爲王以回爲清平官清平官者蠻相也凡有六人而國事專決於回五人者事回甚卑謹有過則回捷之

云 省衆數十萬吐蕃每入寇常以雲南爲前鋒賦斂重數又奪其險要立城堡安征
助防云南苦之回因說異牟尋復自歸於唐曰中國尙禮義有惠澤無賦役異牟尋
以爲然而無路自致凡十餘年及四川節度使章舉至鎮招撫境上羣蠻異牟尋潛遣
人因_奏蠻求內附舉_奏今吐蕃棄好暴亂鹽夏宜因雲南及八國生羌有歸化之心招
納以離吐蕃之黨分其勢上命舉先作邊將以_士諭之徵覈其趣

二月壬戌以檢校左庶子崔澣充入吐蕃使

三月丁酉以左庶子李鈺充入吐蕃使初吐蕃尙結替得鹽夏州各留千餘人戍之退
屯鳴沙自冬入夏羊馬多死糧運不繼又聞李晟克摧抄馬燧渾瑊等各舉兵臨之大
懼屢遣使求和上未之許乃遣使卑辭厚禮求和於馬燧且請修清水之盟而歸侵地
使者相繼於路燧信其言留屯石州不復濟河爲之請於朝李晟曰戎狄無信不如擊
之韓遊瓌曰吐蕃弱則求盟疆則入寇今深入塞內而求盟此必詐也韓滉曰今兩河
無虞若城原熱洮渭四川使李晟劉玄佐之徒將十萬衆戍之河湟二十餘州可復也

其資根之費臣請主辦上由是不聽燧計輒使進兵燧請與吐蕃使論頗熟俱入朝論
 之會况燧延賞皆與成有隙欲反其謀爭言和親便上亦恨回紇欲與吐蕃共和擊
 之得二人言正會己意計遂定延賞數言晟不宜久典兵請以鄯雲達代之上曰當令
 自擇代者乃謂晟曰朕以百姓之故與吐蕃和親決矣大臣既與吐蕃有怨不可復之
 鳳翔宜留朝廷朝夕輔朕自擇一人可代鳳翔者晟荐都虞侯邢樂春人也丙午以君
 牙為鳳翔尹兼團練使丁未加晟太尉中書令勳封如故餘悉罷之晟在鳳翔嘗謂僚
 佐曰魏徵好直諫余竊慕之行軍司馬李叔度曰此乃儒者所為非勳注所宜晟欽容
 曰司馬失言注任兼將相知朝廷得失不言何以為臣叔度慙而退及在朝廷上有所
 顧問極言無隱性沈密未嘗泄於人辛亥馬燧入朝燧既來諸軍皆閉壁不戰尙結贊
 遠自鳴沙引歸其衆乏馬多徒行者崔澣見尙結贊責以負約尙結贊曰吐蕃破朱泄
 未獲賞是以來而諸州各城守無由自達鹽夏守將以城授我而遁非我取之也今明
 公求欲踐修舊好固吐蕃之願也今吐蕃將相以下來者二十一人注侍中嘗與之共

知其忠信靈川節度使杜希全涇原節度使李晟皆信厚聞於異域請使之主盟夏四月丙寅澣至長安率未以澣爲鴻臚卿復使人吐蕃語尙結贊曰希全守靈不可出境李觀已改官今遣渾瑊盟于清水且令先歸鹽夏二州五月甲申渾瑊自咸陽入朝以爲清水會盟使戎咸子以兵部尙書崔漢衡爲副使司封員外郎鄭叔矩爲判官特進宋賓者奉朝爲都監已丑瑊將二萬餘人赴盟所乙巳尙結贊遣其屬論泣贊來言清水非吉地請盟于原州之士黎樹旣盟而歸鹽夏一州上皆許之神贊將馬有神香土黎樹多阻險恐吐蕃設伏兵不如平涼川坦夷時論泣贊已還丁未遣使追告之

渾瑊之發長安也李晟深戒之以盟所爲備不可不嚴張延賞言於上曰以不欲盟好之成故戒瑊以嚴備我有疑彼之形則彼亦疑我矣盟何由成上乃召瑊切戒以推誠待虜勿自爲猜貳以阻虜情瑊香叶蕃決以率未盟延賞集百官以瑊表稱詔示之曰李太尉謂吐蕃和好必不成此渾侍中表也盟日定矣晟聞之泣謂所親曰吾生長西郵備諳虜情所以論香但恥朝廷爲犬戎所侮耳上始命駱元光屯潘原韓遊瓌屯洛

口以爲賊援元光謂城曰潘原距盟所且七十里公有急元光何從知之請與公俱城以詔指固止之元光不從與城連營相次距盟所三十餘里元光壕柵深固城壕柵皆可踰也元光伏兵於營西韓遊瓊亦遣五百騎伏於其側曰若有變則如曹西趣柏泉以分其勢尙結贊與城約各以甲士三千人列於壇之東北常服者四百人從至壇下率未將盟尙結贊又請各遣遊騎數十更相覘索城皆許之吐蕃伏精騎數萬於壇西遊騎貫穿唐軍出入無禁唐騎入虜軍悉爲所擒城等皆不知入幕易禮服虜伐鼓三聲大譟面至殺宋奉朝等於幕中城自幕後出偶得它馬乘之伏蠶入其銜馳十餘里銜方及馬口故矢過其背而不傷唐將率皆東走虜縱兵追擊或殺或擒之死者數百人擒者千餘人崔漢衡爲虜騎所擒唯城至其營則將率皆遁去營空矣駱元光發伏成陳以待之虜追騎愕貽城入元光營追騎顧見郤甯軍西馳乃還元光以輜重資城與城收散率勒兵整陳而還是日上臨朝謂諸相曰今日和戎息兵社稷之福馬燧曰然柳渾曰戎狄狄狼也非盟誓可結今日之事臣竊憂之李晟曰誠如渾言上變色曰

柳渾書生不知邊計大臣亦爲此言邪皆伏地頓首諡因罷朝是夕韓滉表言虜劫盟者兵臨近鎮上大驚街遞其表以示渾明且謂渾曰柳書生乃能料敵如此其奈乎上欲出幸以避吐蕃大臣諫而止李晟大安園多竹復有爲飛語者雲晟伏兵大安亭謀因倉猝爲變晟遂伐其竹癸酉上遣中使王子恆齎詔遣尙結贊至吐蕃境不納而還渾瑊留屯奉天中戊尙結贊至故原州引見崔漢衡等曰吾飾金板欲械瑊以獻贊普今失瑊虛致公輩又謂馬燧之姪弁曰胡以馬爲命吾在何曲春草未生馬不能舉足當是時侍中度何掩之吾全軍覆沒矣所以求和蒙侍中力令全軍得歸奈何拘其子孫命弁與官俱文珍渾瑊將馬字俱歸分囚崔漢衡等於何廓嶺州上聞尙結贊之言由是惡馬燧六月丙戌以馬燧爲司徒兼侍中罷其副元節度使初吐蕃尙結贊惡李晟馬燧渾瑊曰去三人則唐可圖也於是離間李晟因馬燧以求和欲執渾瑊以質燧使并獲罪因縱兵直犯長安會失渾瑊而止張延賞慙懼謝病不視事以陝虢觀察使李泌爲中書侍郎同平章事

河東都虞侯李自良縱馬燧入朝上欲以爲河東節度使自良固辭曰臣事日燧久不欲代之爲帥乃以爲右虎武大將軍明日自良入謝上謂之曰卿于馬燧存軍中事分誠爲得禮然北門之任非卿不可卒以自良爲東節度使

吐蕃之戍鹽夏者饋運不繼人多病疫思歸尙結贊遣三千騎逆之悉焚其廬舍毀其城驅其民而去靈鹽節度使杜希全遣兵分守之

章舉以雲南頗知書壬辰自以書招諭之令趣遣使入見

李泌意欲結回紇大食雲南與共圖吐蕃今吐蕃所備者多知上素恨回紇恐聞之不悅并屯田之議不行故不肯言旣而戍卒應募願耕屯田者什六五

貞元三年八月吐蕃尙結贊遣五騎送崔漢衡歸且上表求和至潘原李觀語之以有詔不納吐蕃使者受其表而却其人

戊申吐蕃帥羌澤之衆寇隴州連營數十里京城震恐九月丁卯遣神策將石季章戍武功決勝軍使唐良臣戍百里城丁巳吐蕃大掠汧陽吳山華亭老弱者殺之或斷手

黎日美之而去驅丁壯萬餘悉送安化峽西將分隸羌渾乃告之曰聽爾東向哭辭鄉國衆大哭赴崖谷死傷者千餘人未幾吐蕃之衆復至圍隴州刺史韓清沔與神策副將蘇太手夜出兵擊却之

李泌爲相勸上北和回紇南通雲南西結大臺天竺以困吐蕃既而

回紇可汗遣使上表稱光及臣凡泌所與約五事一皆聽命上大喜謂泌曰回紇何畏服卿如此對曰此乃陛下威靈臣何力焉上曰回紇則旣和矣所以招云南大食天竺奈何對曰回紇和則吐蕃已不敢輕犯塞矣次招雲南則是斷吐蕃之右臂也雲南自漢以來臣屬中國楊國忠無故擾之使叛臣於吐蕃苦於吐蕃賦役重未嘗一日不思復爲唐臣也大食在西域爲最疆自葱嶺盡西海地幾半天下與天竺皆慕中國代與吐蕃爲仇臣故知其可招也

吐蕃寇華亭及連雲堡皆陷之甲戌吐蕃驅二城之民數千人及邠涇人畜萬計而去寘之彈箠峽西涇州恃連雲爲斥候連雲旣陷西門不開門外皆爲虜境樵采路絕每

收穫必陳兵以扞之多失時得空穗而已由是涇州常苦乏食

冬十月甲申吐蕃寇丰義城前鋒至大回原邠寧節度使韓遊瓌擊却之乙酉復寇長武城又城故原州而屯之

吐蕃以苦寒不入寇而糧運不繼十一月詔渾瑊歸河中李元掠歸華州劉昌分其衆歸汴州自餘防秋兵退屯鳳翔京兆諸軍以就食

壬申以宣武行營節度使劉昌爲涇原節度使甲戌以鎮國節度使李元諒爲隴右節度使昌元諒皆帥卒力田數年軍食充羨涇隴稍安

十二月韓遊瓌入朝

韓遊瓌之人朝也軍中以爲必不返餞送甚薄遊瓌見上盛陳築豐義城可以制吐蕃上悅遣還鎮軍中憂懼者衆遊瓌悉都虞侯虞卿范希朝有功名徂衆心求其罪將殺之希朝奔鳳翔上召之寘於左神策軍遊瓌帥衆築豐義城二版而潰

咸陽人或上言臣見白起令臣東云請爲國家扞禦西郵生正月叶審必大下當爲朝廷

破之以取信既而吐蕃入寇邊將敗之不能深入上以爲信然欲於京城立廟贈司徒李泌曰臣聞國將興聽於人今將帥立功而陛下褒賞白起臣恐邊後解體矣若立廟京城盛爲祈禱流聞四方將長巫風今杜郵有舊祠請敕府縣葺之則不至驚人耳目矣且白起列國之將贈三公太重請貶兵部尙書可矣上笑曰卿於白起亦惜官乎時曰入神一也陛下惜不之惜則神亦不以爲榮矣上從之

劉昌復築連雲堡乙未更命殿前左右射生曰神威軍與左右羽林龍武神武神策號曰十軍神策尤盛多戍京西散屯畿甸

福建觀察使吳詵輕其軍士詵苦役之軍士作亂殺詵腹心十餘人區詵牒大將郝械溢掌留務械溢上表請罪上遣中使就赦以安之

四日乙未隴右節度使李元諒築良原故城而鎮之

雲南王異牟尋欲內附未敢自遣使先遣其來蠻鬼主驃旁苴夢冲苴烏星入見五月乙卯宴之於殿法殿賜賚甚厚封王給印而遣之

吐蕃三萬餘騎寇涇邠寧慶鄜等州先是吐蕃常以秋冬入寇及春多病疫而退至是得唐人賈其妻子遣其將將之盛夏入寇諸州皆城守無敢與戰者吐蕃俘掠人畜萬計而去

韓遊瓌以吐蕃犯塞自戍寧州病求代歸秋七月庚戌加渾瑊邠甯副元帥以左金吾將軍張獻甫爲邠寧節度使陳許兵馬使韓全義爲長武城行營節度使獻甫未至壬子夜遊瓌不告於衆輕騎歸朝戍卒裴滿等憚獻甫之嚴乘無帥之後癸丑帥其徒作亂曰張公不出本軍我必拒之因剽掠城市圍監軍揚明義所居使奏請范希朝爲節度使都虞候揚朝晟避亂出城聞之復入曰所請甚契我心我來賀也亂卒稍安朝晟潛與諸將謀晨勒兵召亂卒謂曰所請不行張公已至邠州汝輩作亂當死不可盡殺宜自推列唱帥者遂斬二百餘人帥衆迎獻甫上聞軍衆欲得范希朝將擾之希朝辭曰臣畏遊瓌之禍而來今往代之非所以防窺覷安反仄也上嘉之擢爲寧州刺史以副獻甫遊瓌至兵帥除右龍武新軍

九月庚申吐蕃尙志董星寇寧州張獻甫擊却之吐蕃轉掠鄜坊而去

吐蕃發兵十萬將寇西川亦發云南兵云南內雖附唐外未敢叛吐蕃亦發兵數萬屯

於瀘北章舉知云南計方猶豫乃爲書遣道云南王叙其叛吐蕃歸化之誠貯以銀函使

東蠻轉致吐蕃吐蕃始疑云南遣兵二萬屯會川以塞云南趣蜀之路云南怒引兵歸

國由是云南與吐蕃大相猜阻歸唐之志益堅吐蕃失云南之助兵勢始弱矣然吐蕃

業已入寇遂分兵四萬攻兩林驃旁三萬攻東蠻七千寇清溪關五千寇銅山舉遣黎

州刺史章晉等與東蠻連兵禦之破吐蕃於清溪關外

吐蕃恥前日之敗復以衆二萬寇清溪關一萬攻東蠻章舉命章晉鎮要冲城督諸軍

以禦之嶺州經略使劉朝錄出關連戰自乙卯至癸亥大破之

吐蕃屢遣人誘脅云南

五年春二月丁亥章舉遣異牟尋書稱回鶻屢請佐天子共滅吐蕃王不早定計一旦

爲回鶻所先則王累代功名虛棄矣且云南久爲吐蕃屈辱今不乘此時依大國之勢

以復怨雪恥後悔無及矣

冬十月韋皋遣其將曹有道將兵與東蠻兩林蠻及吐蕃青海臘城二節度戰於嶺州臺登谷大破之斬首二千級投崖及溺死者不可勝數殺其大兵馬使乞藏遮遮乞藏遮遮房之驍將也既死皋所攻城柵無不下數年盡復嶺州之境

回紇合骨咄祿可汗得唐許昏甚喜遣其妹骨咄祿毗伽公主及大臣妻並國相蹶跌都督以下千餘人來迎可敦辭禮甚恭曰昔爲兄弟今爲子婿半子也若吐蕃爲患子當爲父除之因詈辱吐蕃使者以絕之冬十月戊子回紇至長安可汗仍表請改回紇爲回鶻許之

冬十月韋皋遣其將曹有道將兵與東蠻兩林蠻及吐蕃青海臘城二節度戰於嶺州臺登谷大之斬首二千級投崖及溺死者不可勝數殺其大兵馬使乞藏遮遮乞藏遮遮房之驍將也既死皋所攻城柵無不下數年盡復嶺州之境

十二月庚午聞回鶻天親可汗薨戊寅遣鴻臚卿郭鋒冊命其子爲登里羅沒密施俱

錄忠貞毗伽可汗先是安西北庭皆假道於回鶻以奉事故與之連和北庭去回鶻尤近誅求無厭又有沙陀六千餘帳與北庭相依（回鶻之北庭）及三葛祿白服突厥皆附於回鶻回鶻數侵掠之吐蕃因葛祿白服之衆以攻北庭（回鶻）大相諷于迦斯將兵救之雲南雖貳於吐蕃亦未敢顯與之絕壬辰章皋復以書招諭之

回鶻忠貞可汗之弟弒忠貞而自立其大相諷于迦斯西擊吐蕃未還夏四月次相帥國人殺篡者而立忠貞之子阿暖爲可汗年十五

五月王武俊屯冀州將擊趙鎬鎬帥其屬奔鄆州李納分兵据之田緒使孫光佐如鄆州矯詔以棣州棣納武俊怒遣其子士清伐貝州取涇城等四縣

回鶻頡于迦斯與吐蕃戰不利吐蕃急攻北庭北庭人苦於回鶻誅求與沙陀酋長朱邪盡忠皆降於吐蕃（唐）節度使楊襲古帥麾下二千人奔西州六月頡于迦斯引兵還國次相恐其有變立與可汗皆出郊迎俯伏自陳擅立之狀曰今日惟大相死生之盛陳郭鋒所齎國信悉以道之可汗拜且泣曰兒愚幼若幸而立惟仰食於阿多國政不

敢豫也虜謂久爲阿多頡于迦斯惑其卑屈持之面哭遂執臣禮悉以所遺頒從行者已無所受國中由是稍安秋頡于迦斯悉舉國兵數萬將復北庭又爲吐蕃所敗死者大半襲古收餘衆數百將還西州頡于迦斯給之曰且與我同至牙帳旣而留不遣竟殺之安西由是遂絕莫知存亡而西州猶爲唐固守葛祿乘勝取回鹘之浮圖川回鹘恐震悉遷西北部落於牙帳之南以避之遣達北特勒梅錄隨郭鋒偕來告忠貞可汗之喪且求册命先是回鶻使者入中國禮容驕慢刺史皆與之鈞禮梅錄至豐州刺史李景略欲以氣加之謂梅錄曰聞可汗新沒欲申弔禮景略先据高壘而坐梅錄俯僂前哭景略撫之曰可汗異代助爾哀慕梅錄驕容猛氣索然俱盡自是回鶻使至皆拜景略於庭威名聞塞外十月辛亥郭鋒始自回鶻還

戊戌詔涇原節度使劉昌築平涼故城以扼彈箏峽口浹辰而畢分兵戍之昌又築朝谷堡中子詔名其堡曰彰信涇原稍安

韋皋比年致書詔雲南王異牟尋終未獲報然吐蕃每發雲南兵雲南與之益少皋知

異牟尋心附於唐討擊副使段忠義本圖羅鳳使者也六月丙申遣忠義還雲南並致書敦諭之

吐蕃攻靈州爲回鶻所敗夜遁九月回鶻遣使來獻俘冬十二月甲午又遣使獻所獲吐蕃酋長尙結心

吐蕃和章舉使者在雲南遣使讓之雲南王異牟尋給之曰唐使本蠻也衆聽其歸耳無它謀也因執以送吐蕃吐蕃多取其大臣之子爲質云南愈怨勿鄧酋長苴夢冲潛通吐蕃扇誘羣蠻隔絕云南使者章舉遣三部落惣管苏危將兵至琵琶川貞元八年二月壬寅執夢冲數其罪而斬之雲南之路始通

壬子吐蕃寇靈州陷水口支渠敗落田詔河東振武救之遣神策六軍二千戍定遠懷遠城吐蕃乃退

六月吐蕃千餘騎寇涇州掠田軍千餘人而去

章舉攻維州獲其大將論贊熱

吐蕃云南日益相猜每云南兵至境上吐蕃輒亦發兵聲言相應實爲之備辛酉韋皋復遣云南王書欲與共襲吐蕃驅之云嶺之外悉平吐蕃城堡獨與云南築大城於境上置戍相保永同一家

庚午山南西道節度使嚴震奏敗吐蕃於芳州及黑水堡

初鹽州既陷塞外無復保障吐蕃常阻絕靈武侵擾鄜坊辛酉詔發兵三萬五千人城鹽州又詔涇原山南劍南各發兵深入吐蕃以分其勢城之二旬而畢命鹽州節度使杜彥光戍之朔方都虞侯楊朝晟戍木波堡由是靈夏河西獲安

吐蕃舉國勝兵之徒纔當中國十數大郡而已動則中國懼其衆而不敢抗靜則中國憚其強而不敢侵厥理何哉良以中國之節制多門蕃醜之統帥專一故也夫統帥專一則人心不分號令不貳進退可齊疾徐如意機會靡愆氣勢自壯斯乃以少爲衆以弱爲強者也開元天寶之間控禦西北西蕃唯朔方河西隴右三節度中興以來未遑外討抗兩蕃者亦朔方涇原隴右河東四節度而已自頃分朔方之地建牙擁節者凡

三使爲其餘鎮軍數且四十皆承特詔委寄各降中貴監臨人得抗衡莫相稟屬每侯邊書告急方令計會用兵既無軍法下臨惟以客禮相待夫兵以氣勢爲用者也氣聚則盛散則消勢合則威析則弱今之邊備勢弱氣消可謂力分於將多矣理戎之要在於練核優劣之科以爲衣食等級之制始能者企及否者息心雖有厚薄之殊而無缺望之憂今窮邊之地長鎮之兵皆百戰傷夷之餘終年勤苦之劇然衣糧所給唯止當身例爲妻子所分常有凍餒之色而關東戍卒怯於應敵懈於服勞衣糧所頒厚踰數等又有素非禦旅本是邊軍將校詭爲媚詞因請遙隸神策不離舊所唯改舊名於其廩賜之饒遂有三倍之益夫事業未異而給養有殊苟未忘懷孰能無愠可諸怨生於不均矣凡欲選任將帥必先考察行能可者遣之不可者退之疑者不使使者不疑故將在軍君命有所不受自頃邊軍去就裁斷多出宸衷選置戍臣先求易制多其部以分其力輕其任以弱其心遂令爽於軍情亦聽命乖於事宜亦聽命戍虜馳突迅如風飄驛書上聞旬月方報守土者以兵寡不敢抗敵分鎮者以無詔不肯出師賊既縱掠

退歸此乃陳功告捷其敗喪則減百而爲一其措獲則張百而成千將帥既幸於搃制在朝不憂罪累陛下又以爲大權由已不究事情可謂機失於遙制矣臣愚謂宜罷諸道將士防秋之制令本道但供衣糧募戍卒願留及蕃漢子弟以給之又多開屯田官爲收糴寇至則人自爲戰時至則家自力農與夫倏來忽往者豈可同等而論哉又宜擇文武能臣爲隴右朔方河東三元帥分統緣邊諸節度使有非要者隨所便近而併之然後減姦濫虛浮之費以豐財定衣糧等級之制以和衆弘委任之道以宣其用恩賞罰之典以考其成如是則戎狄咸懷疆場寧謐矣上雖不能盡從心甚重之

韋皋遣大將董勳等將兵出西山破吐蕃之衆拔堡柵五十餘

雲南王異牟尋遣使者三輩一出戎州一出黔州一出安南各齎生金丹砂詣韋皋金以示堅丹砂以示赤心三分皋所與書爲信皆達成都異牟尋上表請棄吐蕃歸唐並遣帛皋書自稱唐雲南王孫吐蕃贊普義弟日東王皋遣其使者詣長安並上表賀上賜畏牟尋詔書令皋遣使慰撫之

劍南西山諸羌女王湯立志哥隣王董臥庭白狗王羅陀忽弱水王董辟和南水王薛莫庭悉董王湯悉贊清遠王蘇唐磨咄壩王董逸蓬及通租王先皆沒屬吐蕃至是各帥衆內附章舉處之子維保霸州給以耕牛種糧立志陀忽辟和入朝皆拜官厚賜而遣之

十年春正月劍南西山羌蠻二萬餘戶來降詔加章舉押近界羌蠻及西山八國使崔佐時至云南所都羊苴畔城吐蕃使者數百人先在其國云南王異牟尋尙不欲吐蕃知之令佐時衣牂柯服而入佐時不可曰我大唐使者豈得衣小夷之服異牟尋不得已夜迎之佐時大宣詔書異牟尋恐懼顧左右失色業已歸唐乃歔歔流涕俯伏受詔鄭回密見佐時教之故佐時盡得其情因勸異牟尋悉斬吐蕃使者去吐蕃所立之號獻其金印復南詔舊名異牟尋皆從之仍刻金契以獻異牟尋帥其子尋夢湊等與佐時盟於點蒼山神祠先是吐蕃與回鶻爭北庭大戰死傷甚衆徵兵萬人於云南異牟尋辭以國小請發三千人吐蕃少之益至五千乃許之異牟尋遣五千人前行自將數

萬人踵其後晝夜兼行襲擊吐蕃戰於神州大破之取鐵廠等十六城虜其五王降其衆十餘萬戊戌遣使來獻捷

雲南王異牟辱遣其弟湊羅揀獻地圖土貢及吐蕃所給金印請復號南詔癸丑以祠部郎中袁滋爲册南詔使賜銀窠金印文曰貞元册南詔印滋至其國異牟尋北面跪受册印稽首再拜因與使者宴出立宗所賜銀平脫馬頭盤二以示滋又指老笛工歌女曰皇帝所賜龜茲樂惟二人在耳滋曰南詔當深思祖考子子孫孫盡忠於唐異牟尋拜曰敢不謹承使者之命

卓舉奏破吐蕃於峨和城

南詔攻吐蕃昆明城取之又虜施順二蠻王

壬子吐蕃寇慶州

十三年春正月壬寅蕃遣使請和親上以吐蕃數負約不許上以方渠合道水波皆吐蕃要路欲城之使問邠寧節度使楊朝晟須幾何兵對曰邠寧兵足以城之不煩它

道上復使問之曰：曷城鹽州用兵七萬，僅能集事。今三城尤逼虜境，兵當倍之事更相反。何也？對曰：城鹽州之衆，虜皆知之。今發本鎮兵不旬日至塞下，出其不意而城之虜謂吾衆亦不減七萬，其衆未集不敢輕來犯我。不過三旬，吾城已畢，留兵戍之。虜雖至無能爲也。城旁草盡不能久留，虜退則運芻糧以實之。此萬全之策也。若大集諸道兵，踰月始至，虜亦集衆而來，與我爭戰，勝負未可知。何暇築城哉！上從之。二月，朝臣分軍爲三，各築一城。軍吏曰：方渠無井，不可屯軍。叛官孟子周曰：方渠承平之時，居人城市無井，何以聚人？予命浚得井，果得甘泉。三月，三城成。夏四月，庚申，楊朝晟軍至馬嶺，吐蕃始出兵追之，相距數日而去。朝晟遂城馬嶺而還，開地三百里，皆如其素吐蕃贊普乞立贊卒子足之前立。

六月壬午，韋皋奏吐蕃人寇嶺州，刺史曹高仕破之於臺登城。

夏閏五月庚申，以神策行營節度使韓全義爲夏綏銀宥節度使。全義時屯長武城，詔帥其衆赴鎮。士卒以夏州積鹵又盛夏不樂徙居，辛酉，亂軍殺大將王栖岩。全義踰城。

走都虞侯高崇文誅首亂者衆然後決崇文幽州人也丙子以崇文爲長武城都和兵馬使不降敕令中使口宣授之

八月初置左右神策統軍時禁軍戍邊稟賜優厚諸將多請遙隸神策軍稱行營皆統於中尉其軍遂至十五萬人

庚子夏州節度使韓益義奏破吐蕃於鹽州西北

南詔異牟尋遣使與章舉約共擊吐蕃舉以兵糧未集請俟它年

六月黨項自永泉以來居於石州永安鎮將阿史那思陳侵漁不已黨項部落悉逃奔河西

吐蕃衆五萬分擊南詔及嶺州異牟尋與章舉各發兵禦之吐蕃無功而還

靈州破吐蕃於烏蘭橋

吐蕃數爲章舉所敗是歲其曩貢獵城稱九節度嬰籠官馬定德帥其部落來降定德有智略吐蕃諸將行兵皆稟其謀策常乘驛計事至是以兵數不利恐獲罪遂來奔

秋七月戎寅吐蕃冠鹽州

已丑吐蕃陷補州殺刺史郭鋒夷其城郭掠居人及黨項部落而去鋒曜之子也僧延素爲虜段得虜將有徐舍人者謂延素曰我英公五代孫也武後時吾高祖建義不成子孫流播異域雖代居祿位典兵然思本之心不忘願宗族大無自由拔耳今聽汝歸遂縱之上遣使敕章舉出兵深入吐蕃以分其勢紆比邊患舉遣將將兵二萬分出九道攻吐蕃維保松州及棲鶴老翁城

九月章舉奏大破吐蕃于雅州

章舉屢破吐蕃轉戰千里凡拔城七軍鎮五焚堡百五十斬首萬餘級捕虜六十降戶三千遂圍維州及昆明城

冬十月庚子加舉檢劾司法兼中書令賜爵南康郡王南詔王異牟尋虜獲尤多上遣中使慰撫之

戊午鹽州刺史杜彥先棄城奔慶州

十八年春正月驃王摩羅思那遣其子悉利移入貢驃國在南詔西南六千八百里聞南詔內附而慕之因南詔人見仍獻其樂

吐蕃遣其大相兼東鄙五道節度使論莽熱將兵十萬解維州之圍西川兵據險設伏以待之吐蕃至出千人挑戰虜悉衆追之伏發虜衆大敗擒論莽熱士卒死者大半維州昆明竟不下引兵還乙亥舉遣使劉猷論莽熱上赦之

夏四月涇原節度使劉昌奏請徙原州治平涼從之

乙亥吐蕃遣其後論類熱入貢

壬辰遣右彪武大將軍薛保使于吐蕃

吐蕃贊普死其弟嗣立

憲宗元和元年是歲回鶻入貢始以摩片借來于中國置寺處之其法日宴乃食食革而不食酒酪回鶻信奉之可汗或與議國事

三年臨涇鎮將郝玘以臨涇地險要水草美吐蕃將入寇必屯其地言于涇原節度使

殺祐奏而城之自是涇原獲安

二月戊寅咸安大長公主薨于回鶻三月回鶻腹里可汗卒

五月丙午册回鶻新可汗爲愛登里囉汨密施合毗伽保義可汗

西原蠻酋長黃少卿請降六月癸亥以爲歸善州刺史

沙陀勁勇冠諸胡吐蕃置之甘州每戰以爲前鋒回鶻攻吐蕃取涼州吐蕃疑沙陀貳于回鶻欲遷之河外沙陀懼酋長朱邪盡忠與其子執宜謀復自歸于唐遂帥部落三萬循烏法鞭山東行三日吐蕃追兵大至白洮水轉戰至石門凡數百合盡忠死士衆死者大半執宜帥其餘衆猶近萬人騎三千詣靈州降鹽節度使范希朝聞之自帥衆迎于塞上置之鹽州爲市牛羊廣其畜牧善撫之詔置陰山府以執宜爲兵馬使未幾盡忠弟葛勒波又帥衆七百詣希朝降詔以爲陰山府都督自是靈鹽每有征討用之所向皆捷靈鹽軍益彊

冬十二月庚戌置行原州于臨涇以鎮將郝勳爲刺史

南詔王異牟尋卒子尋閣勸立

四年三月辛未靈鹽節度使范希朝奏以太原兵六百人衣糧給沙陀許之

初平涼之盟副元帥判官路泌明盟判官郊叔矩皆沒于吐蕃其後吐蕃請和泌子隨三詣闕泣上表乞從其請德宗以吐蕃多詐不許至是吐蕃復請和隨又五上表詣執政泣請裴君李藩亦言于上請許其和上從之五月命詞部郎中律復使吐蕃

六月以靈鹽節度使范希朝爲河東節度使朝儀以沙陀在靈武迫近吐蕃慮其反復又部落衆多恐長穀價乃命悉從希朝詣河東希朝選其驍騎千二百號沙陀軍置使以領之而慮其餘衆于定襄以于是執宜始保神武川之黃花堆

四年九月丙辰振武奏吐蕃五萬餘騎至拂梯泉辛未豐州奏吐蕃萬餘騎至大石谷掠回鶻入貢還國者

是歲云南王尋閣勸卒子勸彥晟立

五年五月庚申吐蕃遣其臣論思邪熱入見且歸路泌帶叔矩之柩

甲子奚寇靈州

六年五月庚子以金否大將軍李惟簡爲鳳陽節度使隴州地與吐吐接舊常朝夕相伺更入攻抄人不得息惟簡以爲邊將當謹守備蓄財穀以待寇不當覩小利起事盜惡禁不得妄入其地益市耕牛鋤農器以給農之不能自具者增墾田數十萬畝虎歲屢稔公私餘販者流他方

七年正月振武河溢毀東受降城

七年是歲吐蕃寇注州及西門之外驅掠人畜而去上患之李絳上言京西京北皆有神策鎮兵始置之欲以備禦吐蕃使與節度使掎角相應也今則鮮衣美食坐耗官每有寇至節度使邀與俱進則云南申取中尉處分比其得報虜去遠矣縱有果銳之將聞命奔赴節度使無刑戮以制之相視如平交左右前卸莫肯用命何所益乎請據所在之地士馬及衣糧器械皆割隸當道節度使使號令齊壹如臂之使指則軍威大振虜不敢入寇矣上曰朕不知舊事如此當亟行之旣而神策軍驕恣日久不樂隸節

度使竟爲宦者所沮而止

八年秋七月振武節度使李先進請修受降城兼理河防時受降城爲河所毀李吉甫請徙其徙于天德故城李絳及戶部侍郎盧坦以爲受降城張仁愿所築當橫口据虜要衝美水草守邊之利地今避河患退二三里可矣李何捨萬代永安之策徇一時省費之便乎况天德故城僻處礪瘠去河絕遠烽候緊急不相應接虜忽唐突勢無由知是無故而蹙國二百里也及城使周懷義奏利害與絳坦同上率用吉甫策以受降城騎士隸天德軍李絳言于上曰邊軍徒有其數而無其實虛費衣糧將帥但緣私役使聚貨財以結權倖而已未嘗訓練以備不虞此不可不於無事之時預留聖意也時受降城兵籍舊四百人及天德軍交兵止有五十人器械止有一方自餘稱是故絳言及之上驚曰邊兵乃如是其虛邪卿曹當加按閱會絳罷相而止

乙巳廢天威軍以其衆隸神策軍

初吐蕃欲作烏蘭橋先貯材於河側朔方常潛遣人投之於河終不能成虜知朔方靈

鹽節度使王恁貪先厚賂之然後併力成橋仍築月城守之自是朔方禦寇不暇

冬十月回鶻發兵度磧南自柳谷西擊吐蕃壬寅振武天德軍奏回鶻數千騎至臨鶻泉邊軍戒嚴

振武節度使李進賢不恤士卒判官嚴澈綬之子也以刻核得幸於進賢進賢使牙將楊遵憲將五百騎趣東受降城以備回鶻所給資裝多虛估至鳴沙遵憲屋處而士卒暴露發怨夜聚薪環其屋而焚之卷甲而還庚寅夜焚門攻進賢進賢踰城走軍士屠其家並殺嚴澈進賢奔靜邊軍

丁酉振武監軍駱朝寬奏亂兵已定請給將士衣上怒以夏綏節度使張煦爲振武節度使將夏州兵二千赴鎮仍命河東節度使王鐔以兵二千納之聽其便宜從事駱朝寬歸罪于其將蘇若方而殺之

九年春正月甲戌王鐔遣兵五千會張煦于善羊柵乙亥煦入單于都護府誅亂者蘇國珍等二百五十三人二月丁丑貶李進賢爲通州刺史甲午駱朝寬坐縱亂者杖之

八十奪色配役定陵李吉甫奏國家舊置六胡州于靈鹽之境開元中廢之更置宥州以領降戶天室中宥州寄理於經略軍室應以來因循遂廢今請復之以備回鶻撫黨項上從之夏五月庚申復置宥州理經略軍取鄆城精策屯兵九千以實之光是回鶻屢請昏朝廷以公主出降其費甚廣故未之許禮部尙書李絳上言以爲回鶻兇彊不可無備淮西窮蹙事要經營今江淮大窮歲所入賦有二十萬緡者足以備降主之費陛下何愛一縣之賦不以羈縻勁虜回鶻若得許昏必喜而無猜然後可以修城壘畜甲兵邊備旣完得專意淮西功必萬全今旣未降公主而虛弱西城磧路無備更修天德以疑虜心萬一北邊有警則淮西遺醜復延歲月之命矣儻虜騎南收國家非步兵三萬騎五千則不足以抗禦借使一歲而勝之其費豈特降主之比哉上不聽

十一年二月西川奏吐蕃替普卒新替可可黎可足立

南詔勸龙晟淫虐不道上下怨疾弄揀節度使王嵯顛弑之立其弟勸利勸利德嵯顛賜姓蒙氏謂之大容容蠻言兄也

回鶻屢請尙公主有司計其費近五百萬緡時中原方用兵故上未之許十二年二月辛卯朔遣回鶻摩尼僧等回國命宗正少卿李誠使回鶻諭意以緩其朝

十三年十一月辛巳朔鹽州奏吐蕃寇河曲夏州靈武奏破吐蕃長樂州克其外城甲午鹽州奏吐蕃遁去

十四年正月吐蕃遣使者論短立竅等來修好未返入寇河曲上曰其國失信其使何罪庚寅遣歸國

八月癸酉吐蕃寇慶州營子方渠

是歲吐蕃節度論三摩等將十五萬衆圍鹽州黨項亦發兵助之刺史李文悅竭力守凡二十七日吐蕃不能克靈武牙將史奉敬言於方朔節度使杜叔良請兵三千齎三十二日糧深入吐蕃以解鹽州之圍叔良以二百五十人與之奉敬行旬餘無聲問朔方人以爲俱沒矣無何奉敬自它道出吐蕃背吐蕃大驚潰去奉敬奮擊大破不可勝計奉敬與鳳朔將野詩良輔涇原將郝玘皆以勇著名於邊吐蕃憚之

十五年二月吐蕃寇靈武

三月吐蕃寇州

十月黨項復引吐蕃寇涇州連營五十里

癸未涇州奏吐蕃進營距州三十里告急求救以右軍中尉梁守謙爲左右神策京西北行營都監將兵四千人並發八鎮全軍救之賜將士裝鈔二萬緡以郟王府長史邵同爲大府少卿兼御史中丞充答吐蕃請和好初秘書少監田洎入吐蕃爲弔祭使吐蕃請與唐監於長武城下洎恐吐蕃留之不得還唯阿而已既而吐蕃爲黨項所引入寇因以爲辭曰田洎許我將兵赴盟於是貶洎柳州司戶

謂州刺史郝勣數出兵襲吐蕃營所殺甚衆李光顏發邠守寧救涇州邠守兵以神策受賞厚皆愠曰人給五十緡而不識戰鬥者彼何人邪常額衣資不得而前冒白刃者此何人邪洎洎不可止光顏親爲開陳大義以諭之言與涕俱然後軍士感悅而行將至涇州吐蕃懼而退丙戌罷神策行營西川奏吐蕃寇雅州辛卯鹽州奏吐蕃營於烏

白池尋亦皆退

十二月己巳朔鹽州奏吐蕃千餘人圍烏白池

庚辰西川奏南詔二萬人入界請討吐蕃

穆宗長慶元年癸亥以太和長公主嫁回鶻公主上之妹也吐蕃聞唐與回鶻婚六月辛未寇塞堡鹽州刺史李文悅擊却之戊寅回鶻奏以萬騎出北庭萬騎出安西拒吐蕃以迎公主

九月吐蕃遣其禮部尚書論訥羅來求監庚戌以大理卿劉文鼎爲吐蕃會監使癸酉命宰相及大後凡十七人與吐蕃論訥羅監于城西遣劉元鼎與訥羅入吐蕃亦與其宰相以下監

十月靈武節度使李進城奏敗吐蕃三千騎於大石山下

黨項寇靈州謂北掠官馬

二年六月吐蕃寇靈武

庚辰鹽州奏黨項都督拔跋萬誠請降

壬午吐蕃寇鹽州

八月辛酉大理卿劉元鼎自吐蕃還

長慶三年二月敬宗新卽位李逢吉排擠李巽去相位貶爲端州司馬逢吉帥百官表賀右拾遺內供奉吳思獨不賀逢吉怒以思爲吐蕃告哀使

七月南詔勸利卒國人請立其弟豐祐豐祐勇敢善用其衆始慕中國不與父連名

太和三年十一月丙申西川節度使杜元穎奏南詔入寇元穎以舊相文雅自高不曉軍事專務畜積減削士卒衣糧西南戍邊之卒衣食不足皆入蠻境鈔盜以自給蠻人反以衣食資之由是蜀中虛實動靜蠻皆知之南詔自嵯顛謀大舉入寇邊州屢以告元穎不之信嵯顛兵至邊城一無備禦蠻以蜀卒爲卿導襲陷雋戍二州甲辰元穎遣兵與戰於邛州南蜀兵大敗蠻遂陷邛州十二月己酉以東川節度使郭釗爲西川節度使兼樞東川節度使事嵯顛自邛州引兵徑抵成都庚戌陷其外郭杜元穎帥衆保

牙城以拒之欲遁者數四壬子貶元穎爲邵州刺史

已未以右領軍大將軍董重質爲神策諸道西川行營節度使又發太原鳳翔兵赴西川南詔寇東川入梓州西川郭釗兵寡弱不能戰以書責嵯顛嵯顛復書曰杜元穎侵擾我故興兵報之耳與釗修好而退蠻留成都西郭十日其始慰撫蜀人市肆安堵將行乃大掠子女百工數萬人及珍貨而去蜀人恐懼往往赴江流尸塞江而下嵯顛自爲軍庶及大度水嵯顛謂蜀人曰此南吾境也聽汝哭別鄉國衆皆慟哭赴水死者以千計自是南詔工巧埒於蜀中嵯顛遣使上表稱蠻比修職貢豈敢犯邊正以杜元穎不恤軍士怨苦元穎競爲鄉導祇我此行以誅虐帥誅之不遂無以慰蜀士之心愿陛下誅之丁卯再貶元穎循州司馬詔董重質及諸道兵皆引還郭釗至成都與南詔立約不相侵擾詔遣中使以國信賜嵯顛

南詔之寇成都也詔山南西道發兵救之興元兵少節度使李絳募兵千人赴之未至蠻退而還興元兵有常頌詔新募兵悉罷之二月乙卯絳悉召新軍諭以詔旨而遣之

仍賜以廩麥皆快快而退往辭監軍監軍楊叔元素惡絳不奉己以賜物薄激之衆怒大譟掠庫兵趨使牙絳方與僚佐宴不爲備走登北城或勸縋而出絳曰吾爲元帥豈可逃去麾推官趙存約令去存約曰存約受明公知何可苟免牙將王景延與賊力戰死絳存約及觀察判官薛齊皆爲亂兵所害賊遂屠絳家戊午叔元奏絳收新軍募直以致亂庚申以尙書右丞溫造爲山南西道節度使是時三省官上疏共論李絳之冤諫議大夫孔敏行具呈叔元激怒亂兵上始悟溫造行至褒城遇興元都將衛志忠征蠻歸造密與之謀誅亂者以其兵八百人爲牙隊五百人爲前軍入府分守諸門已卯造視事饗將士於牙門造曰否欲問新軍去留之意宜悉使來前既勞問命坐行酒志忠密以牙兵圍之既合唱殺新軍八百餘人皆死楊叔元起擁造靴求生造命囚之其手殺絳者斬之百段餘皆斬首投尸漢水以百首祭李絳三十首祭死事者具事以聞已丑流楊叔元於康州

西川節度使郭釗以疾求代冬十月_戊申以義成節度使李德裕爲西川節度使蜀自

南詔入寇一方殘弊郭釗多病未暇完補德裕至鎮作籌邊樓圖蜀地形南人南詔西
達吐蕃日召老於軍旅邊事者雖走卒蠻夷無所間訪以山川城邑道路險易廣狹
遠近未踰月皆若身嘗涉歷上命德裕修塞清溪關以斷南詔人寇之路或無土則以
石壘之德裕上言通蠻細路至多不可塞惟重兵鎮守可保無虞但黎雅以東得萬人
成都得二萬人精加訓練則蠻不敢動矣邊兵又不宜多須力可臨制崔旰之殺郭英
義張朮之逐張延賞皆鎮兵也時北兵皆歸本道惟河中陳許三千人在成都有詔來
年三月亦歸蜀人恟懼德裕奏乞割滑五百人陳許千人以鎮蜀且言蜀兵脆弱新爲
蠻寇所困皆破胆不堪征戎若北兵盡歸則與在元穎時無異蜀不可保恐議者云蜀
經蠻寇以來已自增兵蜀者蠻寇已逼元穎始募市人爲兵得三千餘人徒有其數實
不可用郭釗募北兵僅得百餘人臣復召募得二百餘人此外皆元穎舊兵也恐議者
又聞當關之說以爲清溪可塞臣訪之蜀中老將清溪之旁大路有三自餘小徑無數
皆東蠻臨時爲之開通若言可塞則是欺罔朝廷要須大度水北更築一城迤邐接黎

州以大兵守之方可况聞南詔以所掠蜀人二千及金帛賂遣吐蕃若使二虜知蜀虛實連兵入寇誠可深憂其朝臣建言者蓋由禍不在身望人責一狀留入堂案他日敗事不可令臣獨當國憲朝廷皆從其請德裕乃練士卒葺堡郭積糧儲以備邊蜀人粗安

五年五月丙辰西川節度使李德裕奏遣使詣南詔索所掠百姓得四千人而還

八月西川節度使李德裕奏蜀兵羸疾老弱者從未終身不簡臣命立五尺五寸之度簡去四千四百餘人復簡募少壯者千人以慰其心所募北兵已得千五百人與土兵參居轉相訓習日益精練又蜀工所作兵器徒務華飾不堪用臣今取工手別道以治之無不堅利九月吐蕃維州副使悉怛謀請降盡帥其衆奔成都德裕遣行維州刺史虞藏僧將兵入据其城庚申具奏其狀且言欲遣生羌三千燒十三橋擣西戎腹心可洗久恥是章舉沒身恨不能致者也事下尙書省集百官議皆請如德裕策牛僧孺曰叶蕃之境四面各萬里失一維州未能損其勢比來修好約罷戎兵中國禦戎守信爲

上彼若來責曰何事失信養馬蔚川上手涼阪萬騎緩回中怒氣直辭不三日至咸陽橋此時西南數千里外得百維州何所用之徒棄誠信有害無利此匹夫所不爲况天子乎上以爲然詔德裕以其城歸吐蕃執悉怛謀及所與偕來者悉歸之吐蕃盡誅之於境上極其慘酷德裕由是怨僧孺益深

冬十月戊寅李德裕奏南詔寇嶺州陷三縣

六年五月甲辰李德裕奏修邛崃關及移嶺州理台登城

丁未以前西川節度使李德裕爲兵部尚書初李宗諤與德祿有隙及德祿還自西川上注意甚厚朝夕且爲相宗閱百方沮之不能京兆尹杜棕宗閱黨也嘗詣宗閱見其有憂色曰得非以大戎乎宗閱曰然何以相救棕曰棕有一策可平宿憾恐公不能用宗閱曰何如棕曰德祿有文學而不由科第常用此爲慊慊若使之知舉必喜矣宗閱默然有問曰更思其次宗閱曰不則用爲御史大夫宗閱曰此則可矣棕再三與約乃詣德裕德裕迎揖曰公何爲訪此寂寥棕曰靖安相公令深達意卽以大夫之命告之德

裕驚喜泣下曰此大門官小子何足以當之寄謝重沓宗閔復與給事中楊虞卿謀之事遂中止虞卿汝士之從弟也

開成元年正月天德軍奏吐谷渾三千帳詣丰州降

秋七月癸亥振武奏黨項三百餘帳剽掠逃去

文宗開成三年吐蕃彝奏贊卒弟達磨立彝奏多病委政大臣由是僅能自守久不爲邊患達磨荒淫殘虐國人不附災異相繼吐蕃益衰

會昌二年十二月丁卯吐蕃遣其臣論普熱來告達磨贊普之喪命將作少監李景爲弔祭使

初吐蕃達磨贊普有佞幸之臣以爲相達磨卒無子佞相立其妃赫氏兄尙延力之子乞離胡爲贊普纔三歲佞相與妃共制國事吐蕃老臣數十人皆不得預政事首相結都那見乞離胡不拜曰贊普宗族甚多而立赫氏子國人誰服其令鬼神誰響其祀國必亡矣比年災異之多乃爲此也老夫無權不得正其亂以報先贊普之德有死而

已拔刀房面慟哭而出佞相殺之滅其族人憤怨又不遣使詣唐求册立洛門川討擊使論恐熱性悍忍多詐謀乃屬其徒告之曰賊捨國族立緄氏專害忠良以幹衆臣且無大唐册命何名贊普吾當與汝舉義兵入誅不妃及用事者以正國家天道助順功無不成遂說三部落得萬騎是歲與青海節度使同盟舉兵自稱國相至渭州遇國相尙思羅屯薄寒山恐熱擊之思羅棄輜重西奔松州恐熱遂屠渭州思羅發蘇毗吐谷渾羊同等兵合八萬保洮水焚橋拒之恐熱至隔水語蘇毗等曰賊臣亂國天遣我來誅之汝曹奈何助逆我今已爲宰相國內兵我皆得制之汝不從將滅汝部落蘇毗等疑不戰恐熱引驍騎涉水蘇毗等皆降思羅西走追獲殺之恐熱盡併其衆合十餘萬自渭川至松州所過殘滅尸相枕藉

會昌三年李德裕追論維州悉怛謀事云維州据高山絕頂三面臨江在戎虜平川之衝是漢地入兵之路初河隴並沒唯此獨存吐蕃潛以婦人嫁此州門者二十年後兩男長成竊開壘門引兵人遂爲所陷號曰無憂城從此得併力於西邊更無虞於南路

况陵近甸旰食累朝與兀中草莽欲經略河湟須此城爲始萬旅盡銳急攻數年雖擒
論莽熱而還城堅卒不可克後初到西蜀外揚國威中緝邊備其維州熱臣信令空壁
來歸臣始受其降南蠻震懾山西八國皆願內屬其吐蕃合水棲鷄等城旣失險阨自
須抽歸可減八處鎮兵坐收千餘里舊地且維州未降前一年吐蕃猶圍魯州豈願盟
約臣受降之初指天爲誓面許奏聞各加酬賞當時不與臣者望風疾臣詔臣執送悉
怛謀等令彼自戮臣寧忍以三百餘人命棄信偷安累表陳論乞垂矜捨答詔嚴切竟
令執還體備三木輿於竹畚及將就路冤叫嗚嗚將吏對後無不隕涕其送部者更爲
審師譏誚云旣已降彼何用送來復以此降人戮於漢境之上恣行殘忍用固摧離至
乃擲其嬰孩承以槍槩絕忠歎之路快兇虐之情從古以來未有此事雖時更一紀而
運屬千年乞追獎忠魂各加褒贈悉怛謀右衛將軍

吐蕃鄯州節度使尙婢婢世爲叶蕃相婢婢好讀書不樂仕進國人敬之年四十餘葬
東贊普疆起之使鎮鄯州婢婢寬厚沈勇有謀略訓練士卒多精勇論恐熱雖名義兵

實謀篡日忌婢婢恐襲其後欲先滅之是月大舉兵擊婢婢旌旗雜畜千里不絕至西
鎮大風震電天火燒殺裨將十餘人雜畜以百數恐熱惡之盤桓不進婢婢謂其下曰
恐熱之來觀我如螻蟻以爲不足屠也今遇天災猶豫不進吾不如迎伏以卸之使其
志益驕而不爲備然後可圖也乃遣使以金帛牛酒犒師且致書言相公舉義兵以匡
國難閭境之內孰不向風苟遣一介賜之折簡敢不承命何必遠辱士衆親臨下藩婢
婢資性愚僻惟嗜讀書先贊普授以藩維誠爲非据夙夜慙惕惟求退居相公若賜以
骸骨聽歸田里乃愜平生之素願也恐熱得書喜徧示諸將曰婢婢惟把書卷安知用
兵待我得國當位以宰相坐之於家亦無所用也乃復書勸厚答之引兵歸婢婢聞之
撫髀笑曰我國無主則歸大唐豈能事此犬鼠乎

九月吐蕃論恐熱屯大夏川尙婢婢遣其將龐結心及莽羅薛呂將精兵五萬擊之至
河州南莽羅薛呂伏兵四萬於險阻龐結心伏萬人於柳林中以千騎登山飛矢繫書
罵之恐熱怒將兵數萬追之龐結心陽敗走時爲馬乏不進之狀恐熱追之益急不覺

行數十里伏兵發斷其歸路夾擊之會大風飛沙溪谷皆溢恐熱大敗伏尸五十里溺死者不可勝數恐熱單騎遁歸

十一月邠守奏黨項入寇李德裕奏黨項愈熾不可不爲區處聞黨項分隸諸鎮剽掠於此則亡逃歸彼節度使各利其駝馬不爲擒送以此無由禁緘臣屢奏不若使一鎮統之陛下以爲一鎮專統黨項權太重臣今請以皇子兼統緒道擇朝中廉幹之臣爲之副居於夏州理其辭訟庶爲得宜乃以兗王岐爲靈夏等六道元帥兼安撫黨項大使又以御史中丞李回爲安撫黨項副使史館修撰鄭亞爲元帥判官令齋詔往安撫黨項及六鎮百姓

朝廷以回鶻衰微吐蕃內亂議復河湟四鎮十八州乃以給事中劉濛爲巡邊使使之先備器械糗糧及伺吐蕃守兵衆寡又令天德振武河東訓卒礪兵以俟今秋點戛斯擊回鶻邀其潰敗之衆南來者皆委劉濛與節度團練使詳議以聞濛晏之孫也

吐蕃論恐熱之將岌藏豐贊悉恐熱殘忍降於尙婢婢恐熱發兵擊婢婢於嚮州婢婢分兵爲五道拒之恐熱退保東谷婢婢爲木柵圍之絕其水原恐熱將百餘騎突圍走保薄寒山餘衆皆降於婢婢

武宗會昌五年吐蕃論恐熱復糾合諸部擊尙婢婢婢遣龜結藏將兵五千拒之恐熱大敗與數十騎遁去婢婢傳檄河湟數恐熱殘虐之罪曰汝輩本唐人吐蕃無主則相與歸唐毋爲恐熱所獵如孤兔也於是諸部從恐熱者稍稍引去

朝廷雖爲黨項置使黨項侵盜不已攻陷邠甯鹽州界城堡屯叱利寨宰相請遣使宣慰上決意討之

宣宗大中元年五月吐蕃論恐熱乘武宗之喪誘黨項及回鶻餘衆寇河西詔安東節度使王宰代北諸軍擊之宰以沙陀朱邪赤心爲前鋒自麟州濟河與恐熱戰於鹽州破走之

二年十二月鳳翔節度使崔洪奏破吐蕃克清水清水先隸秦州詔以本州未復權隸

鳳翔

吐蕃論恐熱遣其將莽羅急藏將兵二萬略地西鄙尙婢婢遣其將拓拔懷先擊之於南谷大破之急藏降

三年二月吐蕃論恐熱軍於河州尙婢婢軍於河源軍始諸將欲擊恐熱婢婢曰不可我軍驟盛而輕敵彼窮困而致死戰必不利諸將不從婢婢知其必敗据河橋以待之諸將果敗婢婢收餘衆焚橋歸鄯州

吐蕃秦原安樂三州及石門等七關來降以太僕卿陸耽爲宣諭使詔涇原靈武鳳翔邠甯振武出兵應接

涇原節度使康季榮取原州及石門城驪藏木峽制勝六盤石峽六關秋七月丁巳靈武節度使朱叔明取長樂州甲子邠甯節度使張君緒取蕭關甲戌鳳翔節度使李毗取秦州詔邠甯節度使權移軍於甯州以應接河西

八月乙酉改長樂州爲威州河隴老幼千餘人詣關已丑上御延喜門樓見之歡呼舞

躍解胡服髮冠帶觀者皆呼萬歲詔募百姓懇闕三州七關十田五年不租稅自今京城罪人應配流者皆配十處四道將吏能於鎮戍之地營田者官給牛及種帳溫地鹽利可贖邊陲委度支制宜其三州七關鎮戍之卒皆倍給衣糧仍二年一代道路建置堡柵有商旅往來販易及戎卒子弟通傳家信關鎮毋得留難其山南劍南邊境有沒蕃州縣亦令量力收復

西川節度使杜涼奏取維州

閏十一月丁酉宰相以克復河湟請上尊號上曰憲宗常有志復河湟以中原方用兵未遂而崩今乃克成先志耳其議加順憲二廟尊諡以昭功烈甲戌上追順宗諡曰至德弘道大聖大安孝皇帝憲宗諡曰昭文章武大聖至神孝皇帝仍改題神主

大中四年二月以秦州隸鳳翔

九月黨項爲邊患發諸道兵討之連年無功戍饋不已右補闕孔溫裕上疎切諫上恕貶柳州司馬溫裕歿之兄子也

吐蕃論恐熱遣僧養羅真將兵於鷄項關南造橋以擊之尙婢軍於白土嶺婢遣其將尙鐸羅榻藏將兵据臨蕃軍以拒之不利復遣磨離熊子燭盧鞏力將兵据羗牛峽以拒之鞏力請按兵拒險勿與戰以奇兵絕其糧道使進不得戰退不得還不過旬月其衆必潰熊子不從鞏力曰吾寧爲不用之人不爲敗軍之將稱疾歸鄯州熊子逆戰敗死熊子根乏留拓拔懷先守鄯州帥部落三千餘人就水草於甘州西恐熱聞婢棄鄯州自將輕騎五千追之至瓜州聞懷光守鄯州遂大掠河西鄯廓等八州殺其丁壯剽鬪其羸老及婦人以梨貫嬰兒爲戲焚其室廬五千里間赤地殆盡十二月以鳳翔節度使李業河東節度使李拭並兼招討黨項使

五年春正月壬戌天德軍奏攝沙州刺史張義潮遣使來降義潮沙州人也時吐蕃大亂義潮陰結豪傑謀自拔歸唐一旦帥衆被甲謀於州門唐人皆應之吐蕃守將驚走義潮遂攝州事奉表來降以義潮爲沙州防禦使上以南山平夏黨項久未平頗厭用兵崔鉉建議宜遣大臣鎮撫三月以白敏中爲司空同平章事充招討黨項行營都統

制置等使南北兩路供軍使兼邠寧節度使敏中請用表度故事擇廷臣爲將佐許之
黨項居廣州者號東山部居夏州者號平夏部其窟居南山者爲南山黨項趙洵聚米
圖經黨項部落在銀夏以北居川澤者謂之平夏黨項在安鹽以南居山谷者謂之南
山黨項唐年補錄松州南有雪山故曰南山平夏川名也
夏四月以左諫議大夫孫景商爲左庶子充邠甯行軍司馬知制誥蔣伸爲右庶子充
節度副使伸孫之弟也

敏中軍於寧州壬子定遠城使史元破黨項九千餘帳於三交谷敏中奏黨項平辛未
詔平夏黨項已就安帖南山黨項聞出山者迫於飢寒猶行抄掠平夏不容窮無所歸
宜委李福睿諭於銀夏境內授以閑田如能革心向化則撫如赤子從前爲惡一切不
問或有抑屈聽於本鎮投牒自訴若再犯疆場或復入山林不受教令則誅討無赦將
吏有功者甄獎死傷者優恤靈夏邠鄜四道百姓給復三年鄰道量免租稅歸由邊將
貪鄙致其怨叛自今當更擇廉良撫之若復致侵叛當先罪邊將後討寇虜

八月白敏中奏南山黨項亦請降時用兵歲久國用頗乏詔並赦南山黨項使之安業制以黨項既平罷白敏中都統但以司空平章事充鄯寧節度使

張義潮發兵略定其旁瓜伊西甘肅蘭鄯河岷廓十州遣其兄義澤奉十一州圖籍入見於是河湟之地盡入於唐十一月置歸義軍於沙州以義潮爲節度使十一州觀察使又以義潮判官曹義金爲歸義軍長史

黨項復擾邊上欲擇可爲鄯寧帥者而難其人從容與翰林學士中出舍人須昌畢誠論邊事誠援古据今具陳方略上悅曰吾方擇帥不意頗牧近在禁廷卿其爲朕行乎誠欣然奉命上欲重其資履六月壬申先以誠爲刑部侍郎癸酉乃除鄯寧節度使十月鄯寧節度畢誠奏招諭黨項皆平九年三月詔鄯寧節度使畢誠還鄯州先是以河湟初附黨項未平移鄯寧軍於寧州至是南山平夏皆安威鹽夏三州軍食足故令還理所

初韋皋在西川開青溪道以通羣蠻使由蜀入貢又選羣蠻子弟聚之成都教以書教

欲以慰悅羈縻之業成其去復以它子弟繼之如是五十年羣蠻子弟學於成都殆以千數軍府頗厭於稟給又蠻使人貢利於賜與所從漢人浸多棕杜爲西川節度使其節簡減其數詔從之南詔豐祐怒其賀冬使者留表付邛州而還又索其子以爲質其子適自是入貢不時頗擾邊境會宣宗崩遣中使告哀時南詔豐祐適卒子繼位其子亦遣使弔祭又詔書乃賜故王遂置使者於外館禮遇甚薄使者以其共以狀聞上以會龍不遣使來告喪又名近立宗諱改元建極遣兵陷播州其宗咸通三年臘末始入其臘末者吐蕃之奴號也吐蕃每發兵其富室多以奴爲首一冢至十數人由是吐蕃之衆多及論恐熱作亂奴多無主遂相糾合爲部落散在甘肅瓜沙何謂岷廓疊石之間吐蕃微弱者反依附之

三月歸義節度使張義潮奏自將蕃漢兵七千克復涼州

七年春二月歸義節度使張義潮奏北庭回鶻固俊克西州北庭輪台清鎮等城詭恐熱寓居廓州糾居旁側諸部欲爲邊患皆不從所向盡爲仇敵無所容仇人以吉拓於

懷光於靈州懷光引兵擊破之

閏月吐蕃寇靈州節度使薛紅宗拒却之

冬十月拓跋懷光以五百騎入廓州生擒論恐熱先則其足數而斬之傳首京師其部眾東奔秦州尙延心邀擊破之悉徙於嶺南吐蕃自是衰絕乞離胡君臣不和所終西川近邊六姓蠻常持兩端無寇則稱效順有寇必爲前鋒卑籠部獨盡心有唐與羣蠻爲讐朝廷賜姓李除爲刺史節度使劉潼遣將將兵助之討六姓蠻焚其部落斬首五千餘級

十三年八月歸義節度使張義潮薨沙州長史曹義金代領軍府制以義金爲歸義節度使是後中原多故朝命不及回鶻陷甘州自餘諸州隸歸義者多爲羌胡所据

十二月黨項回鶻寇天德軍

紹按鄭樵通志稱君長或居跋布川或居邏娑川有小城而不居坐大氈帳張大拂廬其下可容數百人兵衛極嚴而衙府甚狹俗養牛羊取乳酪供食兼取毛爲福而

衣焉不食驢馬肉以麥爲食人死殺牛馬以徇取牛馬積累於墓上其墓正方累石爲之狀若平頭塚其臣與君自爲友號曰共命人其數不過五人君死之日共命皆日夜縱酒葬日於墓下針血血盡乃死便以徇葬又有親信人用刀當腦縫鋸亦有將四尺木大如指刺兩肩下死者十有五亦徇葬焉設官父死子代絕嗣卽近親襲焉非其種類輒不相伏與官章飾有五等一謂瑟瑟二謂金三謂金飾銀上四謂銀五謂熱銅各以方圓三寸褻上裝之安膊前以辨貴賤法令嚴肅兵器有弓刀楯稍甲冑每戰前隊皆死後隊方進人馬俱披鎧子甲周體皆遍唯開兩眼非勁弓利刃之所能傷也戰必下馬列行而陣死則遞收之終不肯退槍細而於中國者弓矢弱而甲堅人皆用劍不戰亦負劍而行其驛以鐵箭爲契其箭長七寸若急驛則前加著一銀帽徵兵用金箭寇至舉燧與其臣下一年一小盟三年一大盟以麥熟爲歲首用法嚴整議事則自下而起因人所利而行之此所以能強且久也重壯賤老母拜於子重兵死惡病終以累代戰設者爲甲門臨陣奔北者懸狐尾於門首表

其似狐之怯故自贊普弄贊雄霸西域隨開皇中都祥柯西正播城唐初有勝兵數十萬號爲疆國祿東贊父子秉政被有諸美遂霸西戎其地東與松茂巖接南極婆羅門西取回鎮北抵突厥幅員萬里漢魏諸戎所未有也迨唐中葉盡盜河湟薄王畿爲東境犯京師掠近輔殘滅華人謀臣虎將闕觀合籌莫之能制及夫後代自底衰亂而唐室亦不競矣